

禮

記

釐

編

禮記釐編卷之九

後學楚安鄉潘相學

王制第三十五

盧氏曰漢文帝令博士諸生作此篇劉向別錄屬制度。

王者之制祿爵。公侯伯子男。凡五等。諸侯之上大夫卿。下大夫。上士。中士。下士。凡五等。○天子三公九卿。二十七大夫。八十一元士。大國三卿。皆命於天子。下大夫五人。上士二十七人。次國三卿。一卿命於天子。一卿命於其君。下大夫五人。上士二十七人。小國二卿。皆命於其

君下大夫五人。上士二十七人。其中有中士下士者數各

居其上之三分。

三卿。卽周官設其參也。下大夫五人。卽

獨言下大夫者。上大夫卿也。數各居其上之三分者。中士三倍於上士。下士三倍於中士也。

○制三

公一命。卷若有加。則賜也。不過九命。次國之君。不過七

命。小國之君。不過五命。大國之卿。不過三命。下卿再命。

小國之卿。與下大夫一命。

卷音衰。○三公八命。加一命。則服龍衰。與王者之後同。

於此則賜。非命服也。此論三公以下。次國小國之君。大國小國之卿。名位不同。服命亦異。

○次國之

上卿。位當大國之中。中當其下。下當其上。大夫。小國之

上卿。位當大國之下。卿。中當其上。大夫。下當其下。大夫。

此諸侯使卿大夫聘會之序。○天子建天官先六大曰大宰。大宗。大

史。大祝。大士。大卜。典司六典天子之五官曰司徒司馬

司空司士司寇典司五衆天子之六府曰司土司木司

水司草司器司貨典司六職天子之六工曰土工金工

石工木工獸工草工典制六材五衆者五官屬吏之衆也府者藏物之所六材

者六工之所用以上舊說皆指爲殷制實無所徵也。○曲禮

諱惡天子齊戒受諫簡記策書也諱先王名惡忌日若子卯他可例推大史奉而進之天

子天子重其事故齊戒以受其諫諫猶教詔也司會以

不言大宗伯者體貌尊惟詔相大禮於臨時耳司會以

歲之成質於天子家宰齊戒受質司會家宰之屬掌計要者成計要也質平

也。平其一歲之計。要冢宰齋戒受質。贊王受之也。

大樂正。大司寇。市。三官以其

成從質於天子。大司徒。大司馬。大司空。齋戒受質。

市司市也。

周官司市。下大夫二人。

百官各以其成質於三官。大司徒。大司馬。

大司空。以百官之成質於天子。百官齋戒受質。然後休

老。勞農成歲事。制國用。

百官司徒司馬司空三官之屬也。百官受質。受平報也。休老勞

農。饗之養之也。成歲事。斷計要也。此以上記王者班爵之制。

天子之田方千里。公侯田方百里。伯七十里。子男五十

里。不能五十里者。不合於天子。附於諸侯。曰附庸。天子

之三公之田。視公侯。天子之卿視伯。天子之大夫視子

男。天子之元士視附庸。○凡四海之內九州。州方千里。

州建百里之國三十。七十里之國六十。五十里之國百。

有二十。凡二百一十國。名山大澤不以封。其餘以爲附。

庸。閒田。八州。州二百一十國。

閒音閑。九州併王畿而言。此但言每一州所可容。

者如此。凡八州餘以天子之縣內方百里之國九。七十。

里之國二十。有一。五十里之國六十。有三。凡九十三國。

名山大澤不以盼。其餘以祿士以爲閒田。

盼音班。此言畿內之制。

疏曰。畿外諸侯有封建之義。故云不以封。畿內之臣不世位。有盼賜之義。故云不以盼。

凡九州千。

七百七十三國。天子之元士諸侯之附庸不與。

元士附庸皆不。

能五十里。天子百里之內以共官，千里之內以爲御。共官，故不與也。

謂供給王躬下官府文書之具，泛用之幣。千里之外設御，謂凡天子之服用，蓋皆取之，租稅也。

方伯，五國以爲屬，屬有長，十國以爲連，連有帥，三十國

以爲卒，卒有正，二百一十國以爲州，州有伯，八州八伯。

五十六正，百六十八帥，三百三十六長，八伯各以其屬

屬於天子之老，二人分天下以爲左右，曰二伯。卒，依注，訓聚，讀

萃。○注云：屬，連卒州猶聚也。伯，帥正，亦長也。老，謂上公。

周禮曰：九命作伯，春秋傳曰：自陝以東，周公主之。自陝以西，召公主之。八伯爲八州。○天子使其大夫爲三監

之伯，二伯則天下之伯也。監於方伯之國，國三人，天子之縣內諸侯祿也，外諸侯

嗣也

縣內選賢置之於位其國之祿如諸侯不得世位外之諸侯有功乃封之使之世也內亦謂之諸侯

者三公之田視公侯

視伯大夫視子男元士視附庸也

○千里之內曰甸千里之

外曰采曰流

甸服四面五百里爲方千里王畿千里之外采最近流最遠舉其最遠最近則侯綏

要荒在其中矣

○方千里者爲方百里者百封方百里者三十

國其餘方百里者七十又封方七十里者六十爲方百

里者二十九方十里者四十其餘方百里者四十方十

里者六十又封方五十里者百二十爲方百里者三十

其餘方百里者十方十里者六十名山大澤不以封其

餘以爲附庸閒田諸侯之有功者取於閒田以祿之其

有削地者歸之閒田

此以外入州言之

天子之縣內方千里者

爲方百里者百封方百里者九其餘方百里者九十一

又封方七十里者二十一爲方百里者十方十里者二

十九其餘方百里者八十方十里者七十一又封方五

十里者六十三爲方百里者十五方十里者七十五其

餘方百里者六十四方十里者九十六

此倣上章畿外之法推之○

諸侯世子世國大夫不世爵使以德爵以功未賜爵視

天子之元士以君其國諸侯之大夫不世爵祿

列國君薨其子

未得爵賜則其衣服禮數視天子之元士賜爵而後得如先君之舊也諸侯之大夫有大功德者亦世之左傳

言官有世功。○制農田百畝。百畝之分。上農夫食九人。則有宦族。

其次食八人。其次食七人。其次食六人。下農夫食五人。庶人在官者。其祿以是爲差也。諸侯之下士。視上農夫祿。足以代其耕也。中士倍下士。上士倍中士。下大夫倍上士。卿四大夫祿。君十卿祿。次國之卿。三大夫祿。君十卿祿。小國之卿。倍大夫祿。君十卿祿。○諸侯之下士。祿食九人。中士食十八人。上士食三十六人。下大夫食七十二人。卿食二百八十八人。君食二千八百八十人。次國之卿。食二百一十六人。君食二千一百六十人。小國

之卿。食百四十四人。君食千四百四十人。次國之卿。命

於其君者。如小國之卿。天子之大夫爲三監。監於諸侯

之國者。其祿視諸侯之卿。其爵視次國之君。其祿取之

於方伯之地。方伯爲朝天子。皆有湯沐之邑。於天子之

縣內。視元士。

湯沐之邑。爲方伯入至畿內。止頓於此。齊潔而往。春秋傳謂之朝宿之邑。

○天

子存二代之後。猶尊賢也。尊賢不過二代。

同封夏殷之後。以爲上公。

封黃帝堯舜之後。謂之三恪。

諸侯不臣寓公。故古者寓公不繼世。

寓

諸侯失國而寄於他國者。諸侯不敢以之爲臣。寓公死。則臣其子矣。故云寓公不繼世。

○哀

公問子羔曰。子之食奚當。對曰。文公之下執事也。

問其先人

始仕食祿。當何君時。文公至哀公七世。
○雜記○此以上記王者班祿之制。

方一里者為田九百畝。方十里者為方一里者百。方

九萬畝。方百里者為方十里者百。為田九十億畝。方

里者為方百里者百。為田九萬億畝。

此論開方之計。天子畿外內

侯之地。論語注云。步百為畝。畝百為夫。夫三為屋。屋為井。井九百畝。陳氏曰。方千里。則一百箇百里之方。億言之。當云九千億畝。以萬言之。當云九萬萬畝。記文乃云。為田九萬億畝。誤矣。自恒山至

南河。千里而近。

冀州城。

自南河至於江。千里而近。

豫州城。

江至於衡山。千里而遙。

荊州城。

自東河至於東海。千里而遙。

遙。

徐州城。自東河至於西河。千里而近。

亦冀州城。

自西河至

流沙千里而遙。

雍州城。

西不盡流沙。南不盡衡山。東不

東海。北不盡恒山。凡四海之內。斷長補短。方三千田

田八十萬億。一萬億畝。方百里者。爲田九十億畝。山

林麓川澤溝瀆城郭宮室塗巷三分去一。其餘六十

畝。

以一大國爲率。其餘所以授民也。

古者以周尺八尺爲步。今以四

六尺四寸爲步。古者百畝。當今東田百四十六畝二

步。古者百里。當今百二十一里六十步四尺二寸二

○此以上記

田畝之畧。

司空執度。度地居民。山川沮澤。時四時。量地遠近。幽

任力。司空掌邦土。執度度地。量地遠近。以定邑井城郭廬舍之區域。山川沮澤。有燥濕寒煖之不同。以時候其四時。知其氣候早晚。使居者不失其宜。然後民事可興。民之力可任也。○凡居民材必

因天地寒煖燥濕廣谷大川異制。民生其間者異俗。剛柔輕重遲速異齊。五味異和。器械異制。衣服異宜。修其

教。不易其俗。齊其政。不易其宜。

齊才細反。和去聲。○居謂儲積以備用。如懋遷

有無化居之居。材。如天生五材之材。天地之氣。東南多煖。西北多寒。高者必燥。卑者必濕。因其宜而爲之備。廣谷大川。形制不同。民生異俗。其材之剛柔。質之輕重。性之緩急。皆異其齊。與飲食器械衣服之有異。聖王亦豈必強之使同哉。惟修其三綱五典之教。齊其禮樂。刑政之用而已。所謂裁成輔相以左右民也。○凡居

民。量地以制邑。度地以居民。地邑民居。必參相得也。

夫九

爲井。四井爲邑。田有常制。民有定居。則無偏而不舉之弊。地也。邑也。居也。三者既相得。則由小以推之大。而天下皆相得矣。此所謂井田之良法也。無曠土。無游民。食節事時。民咸安其

居。樂事勸功。尊君親上。然後興學。

興立小學大學富而教之。此皆以中國言

也。○中國戎夷五方之民。皆有性也。不可推移。東方曰

夷。被髮文身。有不火食者矣。南方曰蠻。雕題交趾。有不火食者矣。西方曰戎。被髮衣皮。有不粒食者矣。北方曰狄。衣羽毛穴居。有不粒食者矣。中國夷蠻戎狄皆有安居和味宜服利用備器。五方之民。言語不通。嗜欲不同。達其志。通其欲。東方曰寄。南方曰象。西方曰狄。鞮。北方

曰譯。韞音低。○雕題。謂刻其肌以丹青涅之。交趾足和鄉浴則同川。臥則偃不火食。地氣暖不爲病。也不粒食。地氣寒少五穀也。寄象釋譯。俗名通傳。四方諸之官也。以其言語不通。嗜欲不同。故立傳言語之人達五方之志。通五方之欲。○此以上皆言度地居民之制。

古者公田藉而不稅。市廛而不稅。關譏而不征。林麓山澤以時人而不禁。夫圭田無征。○田里不粥。墓地不請。田里公家所授。不可得而粥。墓地有族塋之序。人不得而請求。已亦不得以擅與。故爭墓地者。墓大夫聽其訟焉。用民之力。歲不過三日。○此以上言薄斂時使之制。

年二日。無年則一日而巳。師旅之事。則不拘此。○凡使民任老者之事。食壯者之食。民雖少壯。但責以老者之功。程雖老者。亦食以壯者之食。厚之至也。○此以上言薄斂時使之制。

豕宰制國用。必於歲之杪。五穀皆入。然後制國用。用地

小大視年之豐耗。以三十年之通制國用。量入以爲出。

注云制。制用。如今度支經用。杪。末也。小國大國豐凶之年。各以歲之收入。制其用之多少。多不過禮。少有所殺也。通三十年之率。當有九年之畜出。謂所當給與。祭用數之仂。

仂音勒。○仂。計一歲經用之數。而用其什一也。○喪用三年之仂。

總計三歲經用之數。而用其十之一。○喪祭用不足曰暴。有餘曰浩。祭豐年不奢。凶年不儉。

暴。猶耗也。浩。猶饒也。國無九年之蓄曰不足。無六年之蓄曰急。無三年之蓄曰

國非其國也。三年耕必有一年之食。九年耕必有三年

之食。以三十年之通。雖有凶旱水溢。民無菜色。然後天

子食。日舉以樂。

民無食菜之餽色。天子乃日舉。以樂侑食。一飯而不忘民也。

○歲凶。

年穀不登。君膳不祭肺。馬不食穀。馳道不除。祭事不縣。

大夫不食梁。士飲酒不樂。

膳不祭肺。不殺牲為盛饌也。馳道。馳車馬之路也。鍾磬。

不應。不作樂也。大夫食黍稷。以梁為加。不食大夫禮。設正饌之後。乃設稻粱。所謂加也。今不加者。皆為歲凶。減食也。自君至士。各舉一事。尊者舉其大。卑者舉其小。互相通耳。

曲禮。○國家靡散則車

不雕。幾甲不組。膳。食器不刻鏤。君子不履絲屨。馬不常

秣。靡敵。師旅饑饉之餘。財力靡散。民庶彫敝也。靡。刻鏤之也。幾。漆飾之。畿。限也。膳者。稱約之名。不用組。以連

甲及為紵帶也。以穀食馬曰秣。少儀。

○至于八月不雨。君不舉。

八月。今

殺往盛。年不順成。君衣布指本。關梁不租。山澤列而不

饌。曰舉。年不順成。君衣布指本。關梁不租。山澤列而不

賦土功不興大夫不得造車馬

衣布身著布衣也士以竹爲笏而以象飾其本

摺擗也君擗士之笏也闕謂門闕梁謂澤梁不租不收租稅也列當作週凶年雖不收山澤之賦猶必遮剋其

非時采取者造新有製作也此皆爲歲之凶故上之人節損以寬貸其下也。玉藻○年不順成

則天子素服乘素車食無樂

玉藻○孔子曰凶年則乘騶

馬祀以下牲

周禮校人六馬曰種馬戎馬齊馬道馬田

牢者降用少牢少牢者降用特牲特豕者降用特豚之類以年凶故駁損也此與本記所云凡祭豐年不奢凶

年不儉又不同未詳。雜記

○歲旱穆公召縣子而問然曰天久不

雨吾欲暴尪而奚若曰天則不雨而暴人之疾子虐母

乃不可與然則吾欲暴巫而奚若曰天則不雨而望之

愚婦人於以求之母乃已疏乎徙市則奚若曰天子崩

巷市七日諸侯薨巷市三日爲之徙市不亦可乎者徙

於巷也旱而欲徙市者行喪禮以自貴也。
檀弓。此以上言制用節費積貯憂災之制。

齊大饑黔敖爲食於路以待餓者而食之有餓者蒙袂

輯履貿貿然來黔敖左奉食右執飲曰嗟來食揚其目

而視之曰予唯不食嗟來之食以至於斯也從而謝焉

終不食而死曾子聞之曰微與其嗟也可去其謝也可

食蒙袂以袂蒙面輯履輯飲其足皆困憊之狀也貿貿

垂首喪氣之貌嗟來食聞之而使來食也徙就也微

者過之細也其嗟雖可去其謝焉則可食矣。檀弓。
此因上文而附記之非惟見黔敖之賢亦以示賑饑之

有道爲民父母者
所當深體恤也。

天子者與天地參故德配天地兼利萬物與日月並明
明照四海而不遺微小其在朝廷則道仁聖禮義之序
燕處則聽雅頌之音行步則有環佩之聲升車則有鸞
和之音居處有禮進退有度百官得其宜萬事得其序
詩云淑人君子其儀不忒其儀不忒正是四國此之謂
也。鸞和皆鈴也鸞在衡和在式前發號出令而民悅謂之和上下相親
謂之仁民不求其所欲而得之謂之信除去天地之害
謂之義義與信和與仁霸王之器也有治民之意而無

其器則不成

勦字。朱子改作帝。○經解

○聖人南面而聽天下所且

先者五民不與焉。一曰治親。二曰報功。三曰舉賢。四曰

使能。五曰存愛。五者一得於天下。民無不足。無不贍者。

五者一物。紕繆。民莫得其死。聖人南面而治天下。必自

人道始矣。

存。察也。人於其所親愛而辟焉。有以察之。則所愛者一出於公。而四者皆無私意之累矣。

一得。猶皆得也。人道中言上文之意。

立權度量。考文章。改正朔。易服色。殊

徽號。異器械。別衣服。此其所得與民變革者也。

徽。旌旗之屬。徽。

之號亦隨所尚而殊異。如殷之大白。周之大赤。之類。

其

也。器者禮樂之器械者。軍旅之器。衣服各有章采。其

不可得變革者。則有矣。親親也。尊尊也。長長也。男女有

別此其不可得與民變革者也

此天地之常經故不可變革

○天

子有后有夫人有世婦有嬪有妾有妾

三夫人九嬪二十七世婦八十

一御妻自后而下皆三因而增其數妾之數未聞

○曲禮○公侯有夫人有世婦有

妻有妾

曲禮

○君天下曰天子朝諸侯分職授政任功曰

予一人踐阼臨祭祀內事曰孝王某外事曰嗣王某臨

諸侯畛於鬼神曰有天王其甫

畛田間道也祭於畛謂之畛猶祭於郊謂之郊

崩曰天王崩復曰天子復矣告喪曰天王登假措之廟

立之主曰帝

假音遷

天子未除喪曰予小子生名之死亦

名之

注云生名之曰小子王死亦曰小子王○曲禮

○君薨太子號稱子待猶

君也。君在稱世子。君薨則稱子。踰年乃得稱君也。傳九年傳云：凡在喪，王曰小童，公侯曰子，特猶君者，謂與諸侯並列，供待之禮。○天子之妃曰后，諸侯曰夫人，猶如正君也。○雜記

大夫曰孺，人士曰婦人，庶人曰妻。如配后後也。夫扶孺屬婦服也。娶齊也。○

曲禮○夫人自稱於天子曰老婦，自稱於諸侯曰寡小君。

自稱於其君曰小童，自世婦以下自稱曰婢子。曲禮○凡

自稱，天子曰予一人，伯曰天子之力臣。宣力四方也。諸侯之

於天子曰某土之守臣某，其在邊邑曰某屏。音丙之臣某

其於敵以下曰寡人。小國之君曰孤，擯者亦曰孤。上大

夫曰下，臣擯者曰寡君之老，下大夫自名，擯者曰寡大

夫世子自名擯者曰寡君之適

適音的

公子曰臣孽士曰

傳遽之臣

諫言如驛傳之車馬供急遽之令

於大夫曰外私

此大夫非已所臣事

者

大夫私事使私人擯則稱名

謂非行聘禮而以他事奉使者私人已之屬臣

也

公士擯則曰寡大夫寡君之老

公士公家之臣也

大夫有所

往必與公士為賓也

賓同擯○王藻

○君之南鄉答陽之義也

臣之北面答君也

答對也○郊特牲

○天子當依而立諸侯北

面而見天子曰覲天子當宁而立諸公東面諸侯西面

曰朝

依上聲宁珍呂反○注云春朝受摯於朝受享於廟秋覲皆受之於廟朝者位於內廟而序進覲者

位於廟門外而序入疏曰依狀如屏風以絳為質高八尺東西當戶闕之間紐為斧文亦曰斧依天子見諸侯

則依而立。負之而南面以對諸侯也。寧者。爾雅云。門屏之間謂之寧。人君視朝所寧立處。蓋寧立以待諸侯之至。故云。當寧而立也。諸侯春見曰朝。秋見曰覲。又曰。凡天子三朝。一在路門內。謂之燕朝。太僕掌之。二在路門外。謂之治朝。司士掌之。其三在臯門之內。庫門之外。謂之外朝。朝士掌之。諸侯亦有此三朝。諸侯未及期相見曰遇。相見於郤地曰會。郤地。開隙之地也。諸侯使大

夫問於諸侯曰聘。比年小聘。三年大聘。小聘大夫往。大聘則卿往。約信曰誓。涖

牲曰盟。約信者。以言語相要約為信也。用誓禮。盟之法。先鑿地為方坎。殺牲於坎上。割其左耳。盛以珠

盤。又取血。盛以玉敦。用血為盟。書成。乃揮血而讀書。置牲坎中。加書於上而埋之。謂之載書。諸侯見

天子曰臣某侯某。其與民言。自稱曰寡人。其在凶服曰

適子孤。臣某侯某。如云。臣齊侯小白。臣晉侯重耳之類。擯者。告天子之辭也。凡自稱。皆曰寡人。不獨與

民言也。此畧言之耳。適子臨祭祀。內事曰孝子某侯某。孤亦損者。告賓之辭也。

外事曰曾孫某侯某。死曰薨。復曰某甫復矣。對始封之祖。故曰曾。

孫某甫者。別于天子也。既葬。見天子曰類。見言謚曰類。類。象也。象諸侯之禮。

見也。序其行及謚所宜。使大夫請謚於天子。亦象聘問之禮。故亦曰類。諸侯使人於諸侯。

使者自稱曰寡君之老。禮。列國之大夫。入天子之國曰。

某士。自稱曰陪臣某。於外曰子。於其國曰寡君之老。使

者自稱曰某。曰某士。曰子。皆損者之辭。晉韓起聘于周。損者曰晉士起。陪重也。自稱曰某。對彼君。

也。○五官致貢曰享。呂氏曰。歲終則司徒以下五官各致其功。獻於王。故謂之享。

力也。享。五官之長曰伯。是職方。其損於天子也。曰天子

之吏。天子同姓謂之伯父。異姓謂之伯舅。自稱於諸侯

曰。天子之老。於外曰公。於其國曰君。

是職方者言二伯於是職主其所治

之方也。天子之

使。擯者之辭也。九州之長。入天子之國曰牧。

每一州之

諸侯之賢者。以爲之牧。

天子同姓謂之叔父。異姓謂之叔舅。於外

曰侯。於其國曰君。其在東夷北狄西戎南蠻雖大曰子。

九州之外。天子亦選其

諸侯之賢者以爲之長。於內自稱曰不穀。於外自稱曰

王老。

外亦其戎狄之中。

庶方小侯。入天子之國曰某人。於外曰

子。自稱曰孤。

禮曲

○納女於天子曰備百姓。於國君曰備酒

漿。於大夫曰備埽灑。

注云。姓之言生也。天子皇后以下百二十人。廣子姓也。酒漿埽灑賤

也。○國君不名卿老世婦。大夫不名世臣姪娣。士不

名家相長妾。君大夫之子不敢自稱曰余小子。大夫士

之子不敢自稱曰嗣子某。不敢與世子同名。不名者不呼其名也

不敢自稱云云者。辟尊者之稱也。○曲禮 ○大夫之臣不稽首。非尊家臣以

辟君也。家臣不稽首于大夫所以○凡摯。天子鬯。諸侯

圭。卿羔。大夫鴈。士雉。庶人之摯匹。童子委摯而退。野外

軍中無摯。以纓拾矢可也。匹音木。○摯之言至也。鬯者

故因謂為鬯也。天子無客禮。以鬯為摯者。惟用告神為

至也。諸侯謂公侯伯也。公侯伯用圭。子男則用璧。以朝

王。及相朝聘。表於至也。不言璧。累也。羔取其羣而不驚。

鴈取其候時而行。飛有行列。雉取其性之耿介。惟敵是

赴羔鴈生雉死亦表見危致命也士蟄冬雉夏腸也匹
讀爲鷺野鴨曰鷺家鴨曰鷺不能飛騰如庶人之終守
耕稼也童子不敢與成人爲禮或見師友而執贄則奠
委於地而自退避之纓馬之繫纓卽馬鞅也拾射請也
矢箭也或野外或婦人之擊棋榛脯脩棗栗婦人無外
軍中隨所有用之事見以羞
物也棋榛木名棋枳也有實榛實似栗而小搏肉無骨
而曝之曰脯取肉銀治而加薑桂乾之曰脩棋法也榛
至也脯始也修治也棗早也栗肅也婦人有法始自脩
身蚤起肅敬也故后夫人以下皆以棗栗爲擊取其蚤
起戰栗自正也曲禮 ○天子不言出諸侯不生名君子不親惡

諸侯失地名滅同姓名言出則外之矣生名則賤之矣
春秋書天王出居於鄭訖之也
書以蔡侯獻舞歸以其失地也書衛侯燬滅邢以其滅
同姓也。曲禮。此以上皆記內外上下名分之不同

天子五年一巡守歲二月東巡守至于岱宗柴而望祀

山川觀諸侯。問百年者就見之。命太師陳詩以觀民風。命市納賈以觀民之所好惡。志淫好辟。命典禮。考時月。定日。同律。禮樂制度衣服正之。山川神祇有不舉者爲不敬。不敬者君削以地。宗廟有不順者爲不孝。不孝者君絀以爵。變禮易樂者爲不從。不從者君流。革制度衣服者爲畔。畔者君討。有功德於民者。加地進律。五月南巡守。至于南嶽。如東巡守之禮。八月西巡守。至于西嶽。如南巡守之禮。十有一月北巡守。至于北嶽。如西巡守之禮。歸假于祖廟。用特。○天子將出。類乎上帝。宜乎社。

造乎禘。諸侯將出。宜乎社。造乎禘。○天子無客禮。莫敢
爲主焉。君適其臣。升自阼階。不敢有其室也。郊特牲○天

子無事與諸侯相見。曰朝。考禮正刑。一德以尊于天子。
○諸侯之於天子也。比年一小聘。三年一大聘。五年一

朝。○覲禮。天子不下堂而見諸侯。下堂而見諸侯。天子

之失禮也。由夷王以下。

此記失禮之由。郊特牲

○孔子曰。諸侯適

天子。必告于祖。奠于禘。冕而出視朝。命祝史告于社稷

宗廟山川。乃命國家五官而后行。道而出告者五日而

徧過。是非禮也。凡告用牲幣。反亦如之。

牲音制。告與奠。互文也。五官

五大夫之職事也。道者。祖祭道神也。五祀之行神。則在宮內。月令冬祀行是也。喪禮毀宗。踰行則行神之位。在廟門外西方。若祭道路之行神。謂之輶於城外。委土爲山之形。伏牲其上。祭告禮畢。乘車轅之而遂行也。其神曰。燔其牲。天子犬。諸侯羊。卿大夫。諸侯相見。必告于禰酒。脯而已。長一丈八尺爲制幣。

朝服而出視朝。命祝史告于五廟。所過山川。亦命國家五官。道而出。反必親告于祖禰。乃命祝史告至于前所告者。而后聽朝而入。朝天子。欲豫習其禮。故冕而出視朝。此則服玄冠緇衣素裳。聘禮云。諸侯相聘。皮弁服。卽朝服也。天子以皮弁服視朝。故謂之朝服。○曾子問。○旅幣無方。所以別土地之宜。而節遠邇之期也。龜爲前列。先知也。以鍾次之。以和居參之也。虎豹之皮。示服猛也。束帛加璧。往

德也。

旅陳也。金莫重於鍾。故變文言鍾。鐘聲和以和參居其間。往進也。君子比德於玉。所進固在德也。

郊特牲。

○諸侯爲賓。灌用鬱鬯。灌用臭也。大饗尚賔脩而

已矣。

灌以鬱鬯之酒。貴氣臭也。諸侯相朝亦然。灌與裸

同。上公再裸而酢。侯伯一裸而酢。子男一裸不酢。皆使宗伯酌圭瓚以裸。酢則賓酢主也。大饗亦謂王饗諸侯

也。雖設太牢。必尚賔脩。亦不享味之義也。大饗君三重席而酢焉。三獻之介

君專席而酢焉。此降尊以就卑也。

此大饗。謂諸侯相朝。主君饗客也。諸侯之

席三重。今兩君禮敵。故席三重之席。而受客之酢爵。若諸侯遣卿來聘。卿禮當三獻。其止介是大夫。謂之三獻

之介。大夫席雖再重。今爲介降一等。止合專席。君席雖三重。今徹去兩重。就單席。受此介之酢爵。故云降尊以

就卑也。○君入門。介拂闥。大夫中楫與闥之間。士介

拂根

此亦鄰國來朝之君也。介，副賓者也。大夫謂大夫之為介者。士介，謂士之為介者。

賓入不

中門。不履闕。公事自闕西。私事自闕東。

此卿大夫來聘之節也。○玉藻

○賓入大門而奏肆夏。示易以敬也。卒爵而樂闕。孔子

屢歎之。奠酬而工升歌發德也。歌者在上。匏竹在下。貴

人聲也。樂由陽來者也。禮由陰作者也。陰陽和而萬物

得。大門，燕禮之寢門。饗禮之廟門也。肆夏，樂章名。易以

敬和易而嚴敬也。卒爵而樂闕，謂賓至庭而樂作。賓

受獻爵拜而樂止。及主人獻君，樂又作。君卒爵而樂止

也。奠置酬爵之時，樂工升堂而歌，所以發揚主賓之德也。匏，竹笙也。○庭燎之百，由齊桓公始也。庭中設炬火以照夜入之。○郊特牲。朝臣，天子百燎，上公五十，侯伯子男三十。今齊桓川百燎，是僭天子也。大夫之奏肆夏也。

由趙文子始也。

大射禮。公升卽席。奏肆夏。燕禮賓及庭。奏肆夏。皆諸侯之禮。

朝覲大

夫之私覲。非禮也。大夫執圭而使。所以申信也。不敢私

覲。所以致敬也。而庭實私覲。何爲乎諸侯之庭。爲人臣

者。無外交。不敢貳君也。

大夫從君。不當私覲。若大夫奉使。則有之。

大夫而饗

君。非禮也。大夫強而君殺之。義也。由三桓始也。

以臣饗君。爲非

禮。三桓。謂公子牙慶父。皆見殺也。○

郊特牲。○此以上記巡守朝聘之制。

天子賜諸侯樂。則以祝將之。賜伯子男樂。則以鼗將之。

諸侯賜弓矢。然後征。賜鈇鉞。然後殺。賜圭瓚。然後爲鬯。

未賜圭瓚。則資鬯於天子。天子命之教。然後爲學。小學

在公宮南之左。大學在郊。此殷制也。周則大學在國。小學在西郊。天子曰

辟雍諸侯曰類宮。

類音判。○疏云。辟。明也。雍。和也。人君通明雍和。於此學中習藝。使天下之人皆明達諸和也。類之言班。所以班布政教也。一說。天子之學。水旋邱如璧。故謂之辟雍。類亦作泮。諸侯之學。

東西南方有水。形如半璧。以其半於辟雍。故曰泮宮。詩曰。緡京辟雍。記曰。泮宮。周學也。○所謂大

輅者。天子之車也。龍旂九旒。天子之旌也。青黑緣者。天

子之寶龜也。從之以牛羊之羣。則所以贈諸侯也。天子賜車。

則上公及同姓侯伯金幣。異姓則象輅。四衛則革。蕃國則木輅。受於天子。則總謂之大輅也。龍旂九旒。亦上公

侯伯則七旒。子男則五旒也。寶龜。則以青黑爲之。緣飾牛羊。非一故稱羣。此明報禮之事。○樂記。○此以上言

天子賜諸侯之制。

先王之所以治天下者五，貴有德，貴貴，貴老，敬長，慈幼。此五者，先王之所以定天下也。貴有德，何爲也？爲其近於道也。貴貴，爲其近於君也。貴老，爲其近於親也。敬長，爲其近於兄也。慈幼，爲其近於子也。是故至孝近乎王，至弟近乎霸。至孝近乎王，雖天子必有父。至弟近乎霸，雖諸侯必有兄。先王之教，因而弗改，所以領天下國家也。

領猶統也。○王氏曰：王孝也。霸弟，非孔子之言。○祭義

○子曰：立愛自親始。教民

睦也。立敬自長始。教民順也。教以慈睦，而民貴有親，教以敬長，而民貴用命。孝以事親，順以聽命，錯諸天下，無

所不行之謂順。睦親之謂睦。不悖。

○天下之禮致反始也。致鬼

神也。致和用也。致義也。致讓也。致反始以厚其本也。致

鬼神以尊上也。致物用以立民紀也。致義則上下不悖

逆矣。致讓以去爭也。合此五者以治天下之禮也。雖有

奇邪而不治者則微矣。致推而極之也。○疏曰。和謂百姓和諧。用謂財用豐足。致物用以立民紀者。民豐於物用。則知榮辱禮節。故可以立人紀也。奇謂奇異邪。謂邪惡。皆據異行之人言。用此五事為治。假令有異行不從治者。亦當少也。○祭義。

○禮之於正國也。猶衡之於輕

重也。繩墨之於曲直也。規矩之於方圓也。故衡誠懸不

可欺。以輕重。繩墨誠陳。不可欺。以曲直。規矩誠設。不可

欺。以輕重。繩墨誠陳。不可欺。以曲直。規矩誠設。不可

欺以方圓君子審禮不可誣以姦詐是故隆禮由禮謂之有方之士不隆禮不由禮謂之無方之民敬讓之道也故以奉宗廟則敬以入朝廷則貴賤有位以處室家則父子親兄弟和以處鄉里則長幼有序孔子曰安上治民莫善於禮此之謂也故朝覲之禮所以明君臣之義也聘問之禮所以使諸侯相尊敬也喪祭之禮所以明臣子之恩也鄉飲酒之禮所以明長幼之序也昏姻之禮所以明男女之別也夫禮禁亂之所由生猶坊止水之所自來也故以舊坊爲無所用而壞之者必有水

敗以舊禮爲無所用而去之者必有亂患故昏姻之禮廢則夫婦之道苦而淫辟之罪多矣鄉飲酒之禮廢則長幼之序失而爭鬪之獄繁矣喪祭之禮廢則臣子之恩薄而倍死忘生者衆矣聘覲之禮廢則君臣之位失諸侯之行惡而倍畔侵陵之敗起矣故禮之教化也微其止邪也於未形使人曰徙善遠罪而不自知也是以先王隆之也易曰君子慎始差若豪釐繆以千里此之謂也隆尊也方道也所引易文乃易緯之言○經解○君子曰禮樂不可斯須去身致樂以治心則易直子諒之心油然而生矣易直子

靜之心生則樂。樂則安安則久。久則天天則神。天則不言而信。神則不怒而威。致樂以治心者也。致禮以治躬則莊敬。莊敬則嚴威。心中斯須不和不樂而鄙詐之心入之矣。外貌斯須不莊不敬而慢易之心入之矣。故樂也者。動於內者也。禮也者。動於外者也。樂極和。禮極順。內和而外順則民瞻其顏色而不與爭也。望其容貌而衆不生慢易焉。故德輝動乎內而民莫不承聽。理發乎外而衆莫不承順。故曰致禮樂之道而天下塞焉。舉而措之無難矣。樂也者。動於內者也。禮也者。動於外者也。

故禮主其減。樂主其盈。禮減而進。以進爲文。樂盈而反。以反爲文。禮減而不進。則銷。樂盈而不反。則放。故禮有報而樂有反。禮得其報。則樂。樂得其反。則安。禮之報。樂之反。其義一也。重出而微有祭義。○六禮。冠昏喪祭。鄉相見。

七教。父子。兄弟。夫婦。君臣。長幼。朋友。賓客。八政。飲食衣。

服。事爲異別。度量數制。

事爲者。百工之技藝。有正有邪。異別者。五方之械器。有同有異。

○此以上統論修道之教。以孝弟爲本。以禮樂爲用。

司徒修六禮以節民性。明七教以興民德。齊八政以防淫。一道德以同俗。養耆老以致孝。恤孤獨以逮不足。上。

賢以崇德簡不肖以紂惡

司徒帥下大司徒此鄉學教民取士之法而大司徒總其

政令也

命鄉簡不帥教者以告耆老皆朝于庠元日習射

上功習鄉上齒大司徒帥國之俊士與執事焉

此下言簡不肖

以紂惡之事畿內六鄉簡不帥教者以告于大司徒擇善日而期會之則致仕之鄉大夫皆來會聚於是行射禮以上功行鄉飲禮以上齒時則大司徒率其俊秀者與執禮事蓋欲使不帥教之人有所觀感而改過以從善也不變命國之右鄉簡不帥教者移之左命國之左鄉

簡不帥教者移之右如初禮

易其藏修游息之所新其師友講切之方庶幾其變

也。不變移之郊如初禮不變移之遂如初禮不變屏之

遠方終身不齒

四郊去國百里在鄉之外遂又在郊命之外屢移之而猶不悛乃屏棄之命

鄉論秀士。升之司徒曰選士。司徒論選士之秀者而升

之學曰俊士。

此以下言上賢崇德之事。

升於司徒者不征於鄉。升於

學者不征於司徒曰造士。

升於司徒則免鄉之徭役。及升國學則并免司徒之役矣。

造成也。

樂正崇四術立四教順先王詩書禮樂以造士。春

秋教以禮樂冬夏教以詩書。

國學教國子之法。命樂正掌其教。

王太子

王子羣后之太子卿大夫元士之適子國之俊選皆造

焉。凡入學以齒。

造七到反。皆造皆來受教於樂正也。

將出學小胥大胥

小樂正簡不帥教者以告于大樂正。大樂正以告于王。

王命三公九卿大夫元士皆入學不變。王親視學不變。

王三日不舉。屏之遠方。西方曰棘。東方曰寄。終身不齒。
出學九年之期也。小胥大胥樂官之屬。鄉遂之所考。以三年國子之出學。以九年故鄉之不帥教者。四不變而後移之。此則二不變卽屏之也。大樂正論造士之秀者以告於王。而升諸司馬曰進士。疏曰。司馬掌爵祿。入仕者皆司馬主之。司馬辨論官材論

進士之賢者以告于王而定其論。論定然後官之。任官然後爵之位定。然後祿之。鄉學秀者之升曰選士。國學秀者之升曰進士。選士不過用爲鄉遂之吏。選用之權在司徒。進士則必命爲朝廷之官而爵祿之。其權皆在大司馬。鄉學國學教選之異以其有世家編戶之別也。然庶人之可爲選士者。司徒試而用之。復升之于國學。則論選之法亦與國子弟同矣。○凡官民材必先論之。論辨然後使之任事。然後爵

之位定然後祿之○天子有善讓德於天諸侯有善歸諸天子卿大夫有善薦於諸侯士庶人有善本諸父母存諸長老祿爵慶賞成諸宗廟所以示順也

言於廟命之也。祭

義

○君子有三患未之聞患弗得聞也既聞之患弗得

學也既學之患弗能行也君子有五恥居其位無其言

君子恥之有其言無其行君子恥之既得之而又失之

君子恥之地有餘而民不足君子恥之衆寡均而倍焉

君子恥之

得失即知及之仁不能守之意求言國有功役衆寡同而彼之功倍於我亦可耻也。離

記

○士依於德游於藝工依於法游於說

依者不違之謂游則玩物

適情也。工之法謂規矩也。說者法之說。少儀。○凡執技以事上者，祝史射御

醫一及百工，凡執技以事上者，不貳事，不移官，出鄉不

與士齒，仕於家者，出鄉不與士齒。

不貳事，則所業彌精，不移官，恐他職非其所長，以技名者，賤為大夫之臣，亦賤，故不得與為士者齒。然必出鄉，乃爾者，於其本鄉有族人親戚之為士者，或不忍卑之，故也。

○凡執技論力，適四方，麻股肱，決射御，果反

之故也。

○射御之技，四方惟其所之，然但論力之優劣而已，所以擐衣而出，其股肱者，欲以決勝負而示武勇也。此

以上皆言制惡崇德之事。

有虞氏養國老於上庠，養庶老於下庠，夏后氏養國老

於東序，養庶老於西序，殷人養國老於右學，養庶老於

左學，周人養國老於東序，養庶老於西序。

卷之九

詩 汲古閣

左學周人養國老於東膠養庶老於虞庠虞庠在國之

西郊有虞氏皇而祭深衣而養老夏后氏收而祭燕衣

而養老殷人冔而祭緇衣而養老周人冕而祭玄衣而

養老養老必於學者學以明倫也庠之言養也膠之言

學陳祥道所言又與諸儒不同皆無所考闕之可也皇

收冔皆冕名養老之服皆其時與羣臣燕之服深衣白

布衣燕衣黑衣也緇衣亦白布深衣也玄衣緇衣也夏

尚黑殷尚白周兼用之故玄衣而素裳諸侯朝服即天

子之燕服諸侯之行燕禮亦服之○凡養老五帝憲三王有乞言五帝

憲養氣體而不乞言有善則記之爲惇史三王亦憲既

養老而後乞言亦微其禮皆有惇史

有乞之有音義。憲法其德行之也。記

其悖厚之德于史曰悖微其禮者殺其拜
跪之禮不欲重煩老人酬荅也。○內則 ○凡養老有

虞氏以燕禮

陳氏曰天子之養老有三國老庶老死政者之老也歲養之亦三仲春季春仲秋也

燕禮脫屣升堂殺烝於俎行一獻之

禮坐而飲酒以至於醉其牲用狗夏后氏以饗禮則

體薦而不食爵益而不飲立而

殷人以食禮

設酒而不

飯為主周人脩而兼用之

皇氏曰先行饗次燕次食一

故曰食

日中行三事蓋饗以致其敬

繼乃燕而安之食之

五十養於鄉六十養於國七十養

於學達於諸侯

鄉學也國中小學也學大

八十拜

君命一坐再至暨亦如之九十使人受

入十則足一跪而首再至備再

拜之數耳九十則又不必親拜矣此言君致享食

之禮於其家而受之之禮也然他命則亦必然

異糧六十宿肉七十貳膳八十常珍九十飲食不離寢

膳飲從於遊可也

根糧也宿肉隔日備之也貳副也不使膳食乏也常珍常食皆珍味也

十則寢處之所恒有度閤之飲食膳與飲隨其所遊而為之具

六十歲制七十時制八

十月制九十曰脩唯絞紵衾冒死而后制

年既衰老則豫為送終之

備歲制謂棺也時制者衣物之難得也易得者則月制至九十則每日修理之恐或有不完整也絞紵衾冒見喪大

五十始衰六十非肉不飽七十非帛不煖八十非

人不煖九十雖得人不煖矣五十杖於家六十杖於鄉

七十杖於國八十杖於朝九十者天子欲有問焉則就

其室以珍從

就其室以珍從尊養之也

七十不俟朝八十月告存九

十日有秩

大夫士之老者君揖則退不待朝事畢也此謂當致仕之年而不得謝者告猶問也君每

月使人致膳問其存否也秩常也日使人以常膳致之也

五十不從力政六十不與

服戎七十不與賓客之事八十齊喪之事弗及也

齊者齋○

力政城道之役也與及也八十不齊則不祭也子代之祭是謂宗子不孤

五十而爵六十不

親學七十致政唯衰麻為喪

謂賢者命為大夫不親學不能備弟子之禮致政

還其君事也

○凡三王養老皆引年

養老之禮畢即引戶校年當行復除也老人衆

多非賢者不可皆養

八十者一子不從政九十者其家不從政廢

疾非人不養者一人不從政父母之喪三年不從政齊

衰大功之喪三月不從政將徙於諸侯三月不從政自

諸侯來徙家期不從政從政即徙力政也人莫衰於老莫苦於疾莫憂於喪莫勞於徙

故王政恤之少而無父者謂之孤老而無子者謂之獨老而

無妻者謂之矜老而無夫者謂之寡此四者天民之窮

而無告者也皆有常餼矜音鯨○皆有常餼謂君上養以餼廩有常制也瘠齔

跛躄斷者侏儒百工各以其器食之瘠音音食音嗣○瘠不能言齔不能

聽跛者一足廢躄者兩足俱廢斷者支節脫絕侏儒身體短小者也器猶能也因其各有技藝之能足以供官

之役使故以道路男子由右婦人由左車從中央由右由左

廩給食養之父之齒隨行兄之齒鴈行朋友不相踰皆言行輕

也任重任分斑白者不提挈君子耆老不徒行庶人耆

任并重任分斑白者不提挈君子耆老不徒行庶人耆

老不徒食。

徒食謂無羞也。

○凡養老有虞氏以燕禮夏后氏以

饗禮殷人以食禮周人脩而兼用之凡五十養於鄉六

十養於國七十養於學達於諸侯八十拜君命一坐再

至瞽亦如之九十者使人受五十異糧六十宿肉七十

貳膳八十常珍九十飲食不違寢膳飲從於遊可也六

十歲制七十時制八十月制九十日脩唯絞衿衾冒死

而后制五十始衰六十非肉不飽七十非帛不煖八十

非人不煖九十雖得人不煖矣五十杖於家六十杖於

鄉七十杖於國八十杖於朝九十者天子欲有問焉則

就其室以珍從。七十不俟朝。八十月告存。九十日有秋。
五十不從力政。六十不與服戎。七十不與賓客之事。八
十齊喪之事弗及也。五十而爵。六十不親學。七十致政。
凡自七十以上。唯衰麻爲喪。月三王養老。皆引年。八十
者一子不從政。九十者其家不從政。瞽亦如之。○有虞
氏養國老於上庠。養庶老於下庠。夏后氏養國老於東
序。養庶老於西序。殷人養國老於右學。養庶老於左學。
周人養國老於東膠。養庶老於虞庠。虞庠在國之西郊。
有虞氏皇而祭。深衣而養老。夏后氏收而祭。燕衣而養

老殷人爵而祭縞衣而養老周人冕而祭玄衣而養老

此內則文也與此重出而微有數字之異○天子巡守其父母在二句移入曲禮餘皆附于此

諸侯待于竟天子先見百年者八十九者東行西行

者弗敢過西行東行者弗敢過欲言政者君就之可也

於八十九十者其禮殺於百年如天子東行則此在西

行者弗敢過天子之前恐煩天子問也天子西行則東

行者亦如是如有欲言政者則君自就而問之舊說甚晦壹命齒于鄉里再命齒于

族三命不齒族有七十者弗敢先七十者不有大故不

入朝若有大故而入君必與之揖讓而后及爵者

注云此謂

鄉射飲酒時也齒者謂以年次立若生也三命列國之

卿也不復齒席之於賓東不敢先族之七十者謂既一

人舉解乃人也雖非族亦然承齒乎族故言族爾不有
大故不入朝謂致仕在家者其入朝者先與之為禮而
后揖卿大夫祭義○大夫七十而致事若不得謝則必賜之

几杖几所以馮杖所以倚行役以婦人適四方乘安車婦人能養人故許自

隨四馬之車立乘安車者一馬小車坐乘也自稱曰老夫於其國則稱名國已

稱名者父母之邦不敢以尊者自居也越國而問焉必告之以其制有越國而

來問者文獻不足則言禮無証故告以制曲禮○昔者有虞氏貴德而尚齒夏

后氏貴爵而尚齒殷人貴富而尚齒周人貴親而尚齒

虞夏殷周天下之盛王也未有遺年者年之貴乎天下

久矣次乎事親也貴富者以富其民為貴也貴親者周之宗盟異姓為後是也四代之治隨

時救弊所貴雖不同而尚齒是故朝廷同爵則尚齒七則同故尊高年次於事親也

十杖於朝君問則席八十不俟朝君問則就之而弟達

乎朝廷矣

古者視朝之禮君臣皆立七十杖於朝據杖而立也君問則席爲之布席於堂上而與之

言若儒行之命席也不俟朝君揖之卽退不待朝事畢也就之就其家也老而致仕君或不許異其禮而已

行肩而不併不錯則隨見老者則車徒辟斑白者不以

其任行乎道路而弟達乎道路矣

辟音避○少者不以肩並長者之肩當差

退也兄之輩則爲鴈行之差錯父之輩則直隨其後矣車徒辟言或乘車或徒行皆當避之也居鄉以

齒而老窮不遺強不犯弱衆不暴寡而弟達乎州巷矣

遺棄也

古之道五十不爲甸徒頒禽隆諸長者而弟達乎

獲狩矣。

四井爲邑，四邑爲丘，四丘爲甸。君田獵，則起其民爲卒徒，故曰甸徒。五十始衰，故不供此役也。

隆多也。

田畢分禽，則長者受賜多於少者。

軍旅什伍，同爵則尙齒，而弟達乎

軍旅矣。

五人爲伍，二伍爲什。

孝弟發諸朝廷，行乎道路，至乎州巷。

放乎獲狩，修乎軍旅，衆以義死之，而弗敢犯也。

死之，死此孝弟。

之禮。祀乎明堂，所以教諸侯之孝也。食三老五更於大學，

所以教諸侯之弟也。祀先賢於西學，所以教諸侯之德

也。耕藉，所以教諸侯之養也。朝覲，所以教諸侯之臣也。

五者，天下之大教也。

西學，卽西郊之學。

食三老五更於大學，天

子袒而割牲，執醬而饋，執爵而酹，冕而總干，所以教諸

侯之弟也。是故鄉里有齒而老窮不遺強不犯弱。衆不

暴寡。此由大學來者也。

太音泰。制。牲。制。俎。實也。饋。進。食也。酌。食。畢。而。以。酒。虛。口。也。見。

而總干。親在舞位。以樂侑食也。○祭義。○此以上皆言尚德貴老之制。

天子視學。大昕鼓徵。所以警衆也。衆至。然後天子至。乃

命有司行事。興秩節。祭先師先聖焉。有司卒事。反命。始

之養也。適東序。釋奠於先老。遂設三老五更羣老之席

位焉。適饌省醴。養老之珍具。遂發咏焉。退。修之以孝養

也。反。登歌清廟。既歌而語。以成之也。言父子君臣長幼

之道。合德音之致。禮之大者也。下管象舞大武。大合衆

以事達有神。興有德也。正君臣之位。貴賤之等焉。而上
下之義行矣。有司告以樂闋。王乃命公侯伯子男及羣
吏曰。反養老幼于東序。終之以仁也。是故聖人之記事
也。慮之以大。愛之以敬。行之以禮。修之以孝。養紀之以
義。終之以仁。是故古之人。一舉事而衆皆知其德之備
也。古之君子。舉大事。必慎其終始。而衆安得不喻焉。兌
命曰。念終始。典于學。天子視學之日。于初明之時。學中
擊鼓徵召。警動衆聽。使學士早至。
天子既至。乃使有司攝事。典舉常禮。祭先師先聖。主于
視學觀禮。故不親祭也。視學在虞庠之中。明日乃之東
序而養老。始謂始立學。有釋奠先老之禮。三老五更各
一人。羣老無定數。設席位畢。天子親至陳饌之處。省視

醴酒及養老珍羞之具。出迎三老五更。入門作樂。發其歌咏。老更入卽西階下之位。天子乃退而酌醴以獻之。以修行孝養之道。老更受獻畢。皆立於西階下。東面。天子反席。乃使樂工登堂。歌清廟之詩。歌畢而旅。談說父子君臣長幼之道。合詩樂之所美。以成其意。致美極也。故曰禮之大者也。堂下以管奏象舞之曲。庭中舞大武之舞。大會衆學士以行此養老之事。蓋樂之所感。達神明與德性。正名位。辨差等。於是上下之義以行。其禮之所係如此。於是畿內之諸侯。及鄉遂之吏。得與禮席者。天子使其反國。各行養老之禮。是天子之仁。終皆徧及也。○文王世子。此以上記天子視學之制。

天子將出征。類乎上帝。宜乎社。造乎禴。禴於所征之地。

受命於祖。受成於學。禴。行師之祭也。受命於祖。卜於廟也。受成於學。決其謀也。出征。

執有罪。反釋奠于學。以訊馘告。獲罪人而反。則釋奠于先聖先師。而告訊馘焉。

○曾子問曰。古者師行。必以遷廟主行乎。孔子曰。天子

巡守。以遷廟主行。載于齊車。言必有尊也。今也取七廟

之主以行。則失之矣。

守去聲。齊側皆切。○遷廟主。謂新

公。當七廟五廟無虛主。虛主者。惟天子崩。諸侯薨。與去

其國。與祫祭於祖。爲無主耳。吾聞諸老聃曰。天子崩。國

君薨。則祝取羣廟之主而藏諸祖廟。禮也。卒哭成事。而

后主各反其廟。

崩薨而羣主皆聚祖廟。以喪三年。君去

其國。太宰取羣廟之主以從。禮也。

去國而羣廟之主皆

祫祭於祖。則祝迎四廟之主。主出廟。入廟必踞。老聃云。

諸侯五廟祫祭則迎高曾祖禰入太祖之廟主出入而蹕戒其清也。○曾子問曰古

者師行無遷主則何主孔子曰主命問曰何謂也孔子

曰天子諸侯將出必以幣帛皮圭告于祖禰遂奉以出

載于齊車以行每舍奠焉而后就舍反必告設奠卒斂

幣玉藏諸兩階之間乃出蓋奠命也既以幣玉告于祖廟則奉此幣玉猶

奉祖宗之命也故曰主命每舍必奠神之也反則設奠以告而埋藏之不敢廢也。○曾子問○有發

則命大司徒教士以車甲司馬掌政而發車甲。則命司徒是官聯也。○兵車

不式武車綏旌德車結旌建戈刃曰兵車取其武猛曰武車旌尚威武故舒散若垂

綏然玉象木四路曰德車德美在內不尙赫奕故纓結其旌於竿也。史載筆士載言載

禮記集解 卷之九 三 汲古閣

筆以書未然之事。士前有水則載青旗。王行宜警備故前有變異則舉

類示之。青旗者前有塵埃則載鳴鳶。鳴鳶則風生。風生則塵埃起。前

有車騎則載飛鴻。鴻飛有行列。前有士師則載虎皮。虎威

猛亦士師之象。前有擊獸則載貔貅。擊獸虎狼之屬。貔貅亦威猛。行前朱鳥

而後玄武左青龍而右白虎招搖在上。急繕其怒。讀鄭

今讀如字。○軍旅之行以朱鳥玄武青龍白虎為軍陳。又畫招搖北斗七星於旗上以急繕其怒。急迫也。繕脩

也。言作而進退有度左右有局各司其局。進退有度者致其怒也。牧誓云不愆

于六步七步乃止齊焉。四伐五伐乃止齊焉。局部分也。軍之左右各有部分不相踰也。各司其局者軍行須監

領也。○乘兵車出先刃入後刃。軍尙左。卒尙右。先刃向曲禮

前也。入後刃。不以刃向國也。左陽生道也。右陰死道也。左將軍爲尊。其行伍皆尊尙左方。欲其無覆敗也。士卒之行伍尊尙右方。示有必死之志也。○少儀 ○軍旅思險。隱情以虞。軍行舍止。經由之處。必思爲險阻之防。又當隱密已情。以虞度彼之情計也。○少儀 ○吳侵陳。斬祀殺厲。師還。出竟。陳太宰嚭使於師。夫差謂行人儀曰。是夫也多言。盍嘗問焉。師必有名。人之稱斯師也者。則謂之何。嚭普彼反。○斬祀。伐祠祀之木也。殺厲。殺疫病之人也。太宰行人皆官名。陳亦有太宰嚭。疑吳嚭之訛也。太宰嚭曰。古之侵伐者。不斬祀。不殺厲。不獲二毛。今斯師也。殺厲與。其不謂之殺厲之師與。曰。反爾地。歸爾子。則謂之何。曰。君王討敝邑之罪。又矜而赦之。師與有無名。

乎。二毛。班白之人也。子謂所獲臣民也。遷其侵畧之地。縱其俘獲之民。是矜而赦之矣。豈可又以無名之師。議之乎。此言懿善於辭令。故能救敗亡之禍。○檀弓

師及之。陳弃疾謂工尹商陽曰。王事也。子手弓而可手

弓。子射諸射之。斃一人。輶弓。又及謂之。又斃二人。每斃

一人。揜其目。止其御曰。朝不坐。燕不與。殺三人。亦足以

反命矣。孔子曰。殺人之中。又有禮焉。工尹。楚官名。孔子謂其有禮。以敗北

之師。本易窮。而商陽乃能節制其縱殺之心。是仁意與

禮節並行。非事君之禮止於是也。特取其善於追敗者。

亦非謂臨敵未決而。○四郊多壘。此卿大夫之辱也。地

壘者屯軍之

○軍有憂

壁。○曲禮

廣大荒而不治。此亦士之辱也。

則素服哭於庫門之外。赴車不載櫜輶。

櫜甲衣。輶弓衣也。甲不入櫜。弓不入輶。

入輶。示再用也。○檀弓

○國亡大縣邑。公卿大夫士皆厭冠哭於

大廟三日。君不舉。或曰君舉而哭於后土。

厭于葉切。○厭冠。喪冠也。

盛饌而以樂侑食曰舉。后土。社也。○檀弓

○君子曰。謀人之軍師。敗則死之。

謀人之邦邑。危則亡之。

衆死而義不忍獨生焉。得而不死。國危而身不可獨存焉。得而不亡。○

○戰於郎。公叔禺人遇負杖入保者。息曰。使之

雖病也。任之雖重也。君子不能爲謀也。士弗能死也不

可。我則旣言矣。與其鄰重汪錡往。皆死焉。魯人欲勿殤

重汪錡。問於仲尼。仲尼曰。能執干戈以衛社稷。雖欲勿

殤也不亦可乎。重通作童。○馬人卽務人。一曰公爲息。馬人歎息也。鄰字疑誤。左作嬖僮。疏云戰于郊。戰于郎爲二事。是郊頭郎邑也。○檀弓○此以上言行師之制。

天子諸侯無事則歲三田。一爲乾豆。二爲賓客。三爲充

君之庖。乾音千。○無事無征伐出行喪凶之事也。歲三田者謂每歲田獵皆爲此三者也。乾豆腊之以

爲祭祀無事而不田曰不敬。田不以禮曰暴天物。天子

不合圍。諸侯不掩羣。合圍四面圍之也。掩羣者掩襲而舉羣取之也。天子殺則

下大綏。諸侯殺則下小綏。大夫殺則止佐車。佐車止則

百姓田獵。綏音綏。○殺獲禽獸也。殺旂旗之屬也。下偃仆之也。佐車卽周禮驅逆之車。驅者逐獸使

趨於田之地。逆者要逆也。○國君春田不圍澤。大夫不掩

其走而不使之散亡也。

羣士不取麋卵君大夫士位有等級故○獺祭魚然後

虞人入澤梁豺祭獸然後田獵鳩化為鷹然後設罝羅

草木零落然後入山林昆蟲未蟄不以火田不麝不卵

不殺胎不殀天不覆巢此皆順時序廣仁意也○此以上言田獵之制

司寇正刑明辟以聽獄訟必三刺有旨無簡不聽附從

輕赦從重三刺三次問其當殺之罪先羣臣次羣吏及庶民也若有發露之旨意而無簡覈之實迹

則難於聽斷矣於是附而入之則施刑從輕赦而凡制

出之則有罪從重所謂與其殺不辜寧失不經也凡制

五刑必即天論郵罰麗於事制斷也天論天理也天刑本乎天理故雖其郵咎甚

輕而當罰之罪亦必與事相附凡聽五刑之訟必原父

子之親立君臣之義以權之意論輕重之序慎測淺深

之量以別之悉其聰明致其忠愛以盡之疑獄汜與衆

共之衆疑赦之必察小大之比以成之汜作汎○此申言卽天諭之意

權平也。意思念也。淺深謂所犯雖同而心有善惡也。盡之盡其情也。小大猶言輕重。已行故事曰比。成獄

辭史以獄成告於正正聽之正以獄成告于大司寇大

司寇聽之棘木之下大司寇以獄之成告於玉王命三

公參聽之三公以獄之成告於玉王三又然後制刑成獄

詞者犯者之辭已定也。史掌文書者正士師之屬棘木外朝之卿位也。又當作賓自上而下咸無異說而天子

猶必三宥而後有司行刑者在君凡作刑罰輕無赦刑爲愛下之仁在臣有守法之義也

者例也。例者成也。一成而不可變。故君子盡心焉。疏曰。例是

形體。析言破律。亂名改作。執左道以亂政。殺作淫聲異服。

奇技奇器以疑衆。殺行僞而堅。言僞而辨。學非而博。順

非而澤。以疑衆。殺假於鬼神時日卜筮以疑衆。殺此四

誅者不以聽。析言破律。巧賣法令者也。亂名改作。謂變易官與物之名。更造法度。左道若巫蠱及

俗禁。淫聲鄭衛之屬。異服若聚鵠冠瓊弁也。奇技奇器

若公輸般以機室。行僞四句皆虛華捷給無誠者也。假

鬼神時日卜筮。若今時持喪。蓋築嫁取卜數也。○凡

書使民倍禮違制。四者爲害甚大。故不聽而殺之。○凡

執禁以齊衆。不赦過。立法有典。司刑有官。雖過失不赦。

以赦過之令。則人將輕於犯禁矣。豈能齊之乎。有圭璧金瓊不粥於市。命服命

於犯禁矣。豈能齊之乎。有圭璧金瓊不粥於市。命服命

豐也。豈能齊之乎。有圭璧金瓊不粥於市。命服命

車不粥於市。宗廟之器不粥於市。犧牲不粥於市。戎器

不粥於市。粥音育。○此所用器不中度不粥於市。兵車

不中度不粥於市。布帛精麤不中數幅廣狹不中量不

粥於市。姦色亂正色不粥於市。中去聲。○此所以禁民

數也。布幅廣二尺二寸。帛廣二尺四寸。錦文珠玉成器不粥於市。衣服飲

食不粥於市。此所以禁民之不儉。五穀不時果實未熟不粥於市。

木不中伐。不粥於市。禽獸魚鼈不中殺。不粥於市。中去聲。○

此所以禁民之不仁。關執禁以譏。禁異服。識異言。凡上文所當禁戒之事。雖有司

刑司市之屬以治之。然不有以譏察之。則犯者衆。○邾而獲者少矣。故令司關者執禁戒之令以譏察之。邾

婁定公之時有弑其父者有司以告公瞿然失席曰是
寡人之罪也曰寡人嘗學斷斯獄矣臣弑君凡在官者
殺無赦子弑父凡在官者殺無赦殺其人壞其室汚其
宮而豬焉蓋君踰月而后舉爵瞿音屨斷丁玩反壞音怪。瞿然驚怪之貌在
官者諸臣也在官者家人也天下之惡無大於此者是
以人皆得而誅之無赦之之理惟父有此罪則子不可
討之也君不舉爵以人倫大變亦教化不明所致故傷悼而自貶耳檀弓 ○刑不上大夫
大夫有罪以八議定之議所不赦則受曲禮 爵人於朝與
刑故不上而別制大夫之刑。士共之刑人於市與衆棄之是故公家不畜刑人大夫
弗養士遇之途弗與言也屏之四方唯其所之不及以

政示弗故生也。不及以政賦役弗與也。且不授之田。不用其乏。以示弗欲其生之意。○刑人不在君側。閻弑吳子餘祭。是不知此禮也。曲禮。此以上言刑討之制。

魯人有周豐也者。哀公執摯請見之。而曰不可。公曰。我其已夫。使人問焉。曰。有虞氏未施信於民而民信之。夏后氏未施敬於民而民敬之。何施而得斯於民也。對曰。墟墓之間。未施哀於民而民哀。社稷宗廟之中。未施敬於民而民敬。殷人作誓而民始畔。周人作會而民始疑。苟無禮義忠信誠慤之心。以涖之。雖固結之民。其不解乎。言有心之固結。不若真心之感孚。○孔子過泰山側。有婦人哭於

墓者而哀。夫子式而聽之。使子路問之。曰：子之哭也，壹
似重有憂者。而曰：然。昔者吾舅死於虎，吾夫又死焉。今
吾子又死焉。夫子曰：何爲不去也？曰：無苛政。夫子曰：小
子識之。苛政猛於虎也。重平聲。識音志。○壹似言甚似也。○檀弓○陽門之
介夫死，司城子罕入而哭之哀。晉人之覘宋者，反報於
晉侯曰：陽門之介夫死，而子罕哭之哀，而民說，殆不可
伐也。孔子聞之曰：善哉！覘國乎？詩云：凡民有喪，扶服救
之。雖微晉而已。天下其孰能當之？扶服音匍匐。○介夫甲士也。孔子善其識
治體。又言晉以宋得人心而不伐，雖微小之晉而天下莫能當矣。○檀弓○仲尼之畜狗死

使子貢埋之曰吾聞之也敝帷不弃爲埋馬也敝蓋不
弃爲埋狗也丘也貧無蓋於其封也亦予之席毋使其
首陷焉路馬死埋之以帷封音窆。因埋狗而及馬又
因馬而及路馬。檀弓。此
以上皆記仁恩威人
而及于愛物之大畧

緇衣第三十六

陸德明曰劉瓛云
公孫尼子所作

子言之曰爲上易事也爲下易知也則刑不煩矣易事
者以
好信故也易知
者以用情故也○子曰好賢如緇衣惡惡如巷伯則爵
不瀆而民作愿刑不試而民咸服大雅曰儀刑文王萬

國作孚。○子曰：夫民教之以德，齊之以禮，則民有格心；教之以政，齊之以刑，則民有遯心。故君民者，子以愛之，則民親之；信以結之，則民不倍；恭以涖之，則民有孫心。甫刑曰：苗民匪用命，制以刑，惟作五虐之刑。曰：法是以民有惡德，而遂絕其世也。

石梁王氏曰：此倣論語爲言。

○子曰：下之

事上也，不從其所令，從其所行，匕好是物，下必有甚者矣。故上之所好惡，不可不慎也，是民之表也。○子曰：禹立三年，百姓以仁遂焉，豈必盡仁？詩云：赫赫師尹，民具瞻瞻。甫刑曰：一人有慶，兆民賴之。大雅曰：成王之孚，下

土之式

遂遂也言
倣之也

○子曰上好仁則下之爲仁爭先人

故長民者章志貞教尊仁以子愛百姓民致行已以說

其上矣詩云有桔德行四國順之

桔詩作覺。章明也
貞正也民致行已者

民之行皆盡已
心措大也直也

○子曰王言如絲其出如綸王言如綸

其出如綸故大人不倡游言可言也不可行君子弗言

也可行也不可言君子弗行也則民言不危行而行不

危言矣詩云淑慎爾止不詭于儀

綸與紉同。綸紉也
疏云如宛轉紉紉引

幣大索也
危高也

○子曰君子道人以言而禁人以行故言必

慮其所終而行必稽其所倣則民謹於言而慎於行詩

云。慎爾出話。敬爾威儀。大雅曰。穆穆文王。於緝熙敬止。

○子曰。長民者。衣服不貳。從容有常。以齊其民。則民德

壹。詩云。彼都人士。狐裘黃黃。其容不改。出言有章。行歸

于周。萬民所望。

周忠信也

○子曰。爲上可望而知也。爲下可

述而志也。則君不疑於其臣。而臣不貳於其君矣。尹吉

曰。惟尹躬及湯。咸有壹德。詩云。淑人君子。其儀不忒。

吉讀

作告。○引書以證君臣相得。又引詩以證壹德之義。

○子曰。有國家者。章義瘴惡。

以示民厚。則民情不貳。詩云。靖共爾位。好是正直。

鄭本作章

義今從之

○子曰。上人疑。則百姓惑。下難知。則君長勞。故君

民者章好以示民俗慎惡以御民之淫則民不惑矣臣
儀行不重饑不援其所不及不煩其所不知則君不勞
矣詩云上帝板板下民卒癩小雅曰匪其止共維王之
功功音窮。癩詩作癩病也。假上帝以言幽王反其常道使下民盡病也。○子曰政之不

行也教之不成也爵祿不足勸也刑罰不足耻也故上

不可以褻刑而輕爵康誥曰敬明乃罰甫刑曰播刑之

不迪

不迪之不衍文

○子曰大臣不親百姓不寧則忠敬不足而

富貴已過也大臣不治而邇臣比矣故大臣不可不敬

也是民之表也邇臣不可不慎也是民之道也君母以

小謀大母以遠言近母以內圖外則大臣不怨邇臣不

疾而遠臣不蔽矣葉公之顧命曰母以小謀敗大作母

以嬖御人疾莊后母以嬖御士疾莊士大夫卿士葉音攝。

案此文見逸周書乃祭公謀父將死而告穆王之詞以爲葉公悞。○子曰大人不親其

所賢而信其所賤民是以親失而教是以煩詩云彼求

我則如不我得執我仇仇亦不我力君陳曰未見聖若

已弗克見既見聖亦不克由聖兼引之皆爲不親賢之證。○子曰小

人溺於水君子溺於口大人溺於民皆在其所褻也夫

水近於人而溺人德易狎而難親也易以溺人口費而

熒易出難悔。易以溺人。夫民閉於人而有鄙心。可敬不
可慢。易以溺人。故君子不可以不慎也。太甲曰。毋越厥
命。以自覆也。若虞機張。往省括于度。則釋。兌命曰。惟口
起羞。惟甲冑起兵。惟衣裳在笥。惟干戈省厥躬。太甲曰。
天作孽。可違也。自作孽。不可以逭。尹吉曰。惟尹躬天見
于西邑夏。自周有終。相亦惟終。天讀作先。○溺為其所陷也。○子曰。
民以君爲心。君以民爲體。心莊則體舒。心肅則容敬。心
好之。身必安之。君好之。民必欲之。心以體全。亦以體傷。
君以民存。亦以民亡。詩云。昔吾有先王。其言明且清。國

家以寧。都邑以成。庶民以生。誰能秉國成。不自爲正。卒

勞百姓。君雅曰。夏日暑雨。小民惟曰。怨咨。冬祈寒。小民

亦惟曰。怨。

雅同牙。此承上文大人溺於民之意而言。昔吾有先正以下五句。逸詩也。資書作咨。此

傳寫之誤。而下復缺一咨字。鄭不取書文。爲定。乃讀資爲宅。今從書以資字屬上句。○子曰。下之

事上也。身不正。言不信。則義不壹。行無類也。○子曰。言

有物而行有格也。是以生則不可奪志。死則不可奪名。

故君子多聞質而守之。多志質而親之。精知畧而行之。

君陳曰。出入自爾師虞。庶言同。詩云。淑人君子。其儀一

也。

格舊法也。

○子曰。唯君子能好其正。小人毒其正。故君子

之朋友有鄉其惡有方是故邇者不惑而遠者不疑也

詩云君子好仇

正鄭讀爲匹今從呂氏說讀如字

○子曰輕絕貧賤而

重絕富貴則好賢不堅而惡惡不著也人雖曰不利吾

不信也詩云朋友攸攝攝以威儀○子曰私惠不歸德

君子不自留焉詩云人之好我示我周行○子曰苟有

車必見其軾苟有衣必見其敝人苟或言之必聞其聲

苟或行之必見其成葛覃曰服之無射○子曰言從而

行之則言不可飾也行從而言之則行不可飾也故君

子寡言而行以成其信則民不得大其美而小其惡詩

云。白圭之玷。尚可磨也。斯言之玷。不可爲也。小雅曰。允

也。君子。展也。大成君奭曰。在昔上帝周。田觀文王之德。

其集大命于厥躬。寡舊讀爲顧。今如字。周田觀。讀爲割申勸。○子曰。南人有

言曰。人而無恒。不可以爲卜筮。古之遺言與。龜筮猶不

能知也。而況於人乎。詩云。我龜既厭。不我告猶。兌命曰。

爵無及惡德。民立而正事。純而祭祀。是爲不敬。事煩則

亂。事神則難。易曰。不恒其德。或承之羞。恒其德。貞。婦人

吉。夫子凶。純。注作煇。煇。當作貞。○馮氏曰。此篇多依倣聖賢之言。而理有不純。義有不足者多矣。

月令第三十

蔡邕王肅云。周公所作。鄭目錄云。名月令者。以記十二月政之所行也。本呂氏春秋十二月紀之首章。禮家好事者。抄合之。其中官名時事。多不合周法。此於別錄。屬明堂陰陽。張子曰。月令大率秦法。然采三代之文。而爲之。不無古意。

孟春之月。日在營室。昏參中。旦尾中。

注云。孟。長也。日月之行。一歲十二會。

聖王因其會而分之。以爲大數焉。觀斗所建。命其四時。此云孟春者。日月會於娵訾。而斗建寅之辰也。疏曰。月令昏明中星。不與歷正同。但一月之內。有中者。卽得載之。二十八宿。體有廣狹。星有明暗。見有早晚。明者早見。晚沒。暗者晚見。早沒。此但舉大畧耳。餘月可知。義疏云。此謂立春後三十日也。營室。北方大宿。二星。上有離宮六星。遶之。其廣十度。此星昏而正中。可以營建宮室。故謂營室。參。西方水宿。七星。三心二肩二足。其廣十度。乃白虎之身。其前有觜。卽虎之口。古法先觜後參。今法先參後觜。以觜今無度。故轉以參度屬觜。蓋每方七宿。以

七政木金土日月水火為岸則今常云參火觜木其實不異也尾東方火宿九星如鉤乃蒼龍之尾其日

甲乙注云甲孚甲乙之言軋也日之行東從青道發生

以為日名焉乙不為其帝太皞其神句芒太皞伏羲木德之君句芒

月名者君統臣功也其帝太皞其神句芒德之君句芒

少皞氏之子曰重木官之臣生有功德於其虫鱗東方

民故後王祀之四時之帝與神皆此義其虫鱗七宿

龍象也故有其音角角觸地而出戴律中太簇候

鱗者屬木其音角角觸地而出戴律中太簇候

氣之管以銅為之中猶應也太簇寅律長其數八天三

八寸族奏也言陽氣大奏地而達物也其數八生木

地入其味酸其臭羶皆木其祀戶祭先脾注云春陽氣

成之其味酸其臭羶皆木其祀戶祭先脾注云春陽氣

內陽也先祭脾者春為陽中於臟直脾脾為尊凡祭五祀於廟用特牲有主有尸皆先設席於奧祀尸之禮南面設主於戶內之西北向乃制脾及腎為俎奠於主北又設盛於俎西祭黍稷祭肉祭醴皆三祭肉脾一腎再

既祭徹之更陳鼎俎設饌於簋前迎尸東風解凍蟄蟲
畧如祭宗廟之儀云木克土故祭先脾

始振魚上冰獺祭魚鴻鴈來記是月之候天子居青陽

左个明堂北偏也四面旁室謂之个明堂之制與太廟

大寢同倣井田遺意有九室焉除中央太廟太室

外有八室而四偏四室分爲八室隨其時之方位開門

共十二室十二月分居之太廟太室則每季十八日居

之乘鸞路駕倉龍載青旂衣青衣服倉玉食麥與羊其

器疏以達鸞青鳳麥生于金王死于火王而其位東方

達者文理巖疏而通羊兌畜兌陽長而陰消食之順陽義也疏以

達象陽氣之射出是月也以立春先立春三日大史

謁之天子曰某日立春盛德在木天子乃齊立春之日

天子親帥三公九卿諸侯大夫以迎春於東郊還反賞

公卿諸侯大夫於朝。命相布德和令。行慶施惠。下及兆

民。慶賜遂行。母有不當。

謁告也。迎春迎青帝。配以太皞。從以勾芒也。後倣此推之。乃

命大史守典奉法。司天日月星辰之行。宿離不貸。毋失

經紀。以初爲常。

離。鄭讀儷。又如字。貸。與忒同。○宿。日所

者。歷家推步之舊法。

是月也。天子乃以元日祈穀于上帝。乃擇元

辰。天子親載耒耜。措之于參。保介之御間。帥三公九卿

諸侯大夫躬耕。帝籍。天子三推。三公五推。卿諸侯九推。

反執爵于大寢。三公九卿諸侯大夫皆御。命曰勞酒。

元

上辛也。郊天祈穀。配以后稷。元辰。郊後吉日也。參。參乘者。保介。勇士爲軍右。而衣甲者。御者。御車之人也。車右

及御人皆是參乘者御侍也是月也天氣下降地氣上騰天地和同

草木萌動王命布農事命田舍東郊皆脩封疆審端徑術善相丘陵阪險原隰土地所宜五穀所殖以教道民

必躬親之田事既飭先定準直農乃不惑也田田峻舍居

之分職步道曰徑術周禮作遂夫間有遂遂上有徑遂小溝也高曰丘平而可陵曰陵陂而不平曰阪水所行曰險高平曰原下隰曰隰封疆有界限徑術有廣狹土地有高下五種有宜否皆須田峻脩之審而端之相其所宜所殖而躬親教飭之以定其準直則農民無所疑惑也是月也命樂正入學習

舞教學者以習舞之事乃修祭典命祀山林川澤犧牲毋用牝禁

止伐木毋覆巢毋殺孩蟲胎夭飛鳥大鳥老切○天方生者飛鳥學飛之

鳥。母麋。母卵。麋獸母聚大眾。母置城郭。掩骼埋胔。格音

音漬。○骨枯曰。是月也不可以稱兵。稱兵必天殃。兵戎

不起不可從我始。母變天之道。母絕地之理。母亂人之

紀。兵加于已。不得已而應之可也。自我起。則必孟春行

夏令。則雨水不時。草木蚤落。國時有恐。人君孟春行孟

夏之氣乘之。蓋施令一失。三才俱應。雨水。天也。草木。地

也。國之恐。人也。後倣此。其或先或後。則以其害有輕重

耳。○此已火行秋令。則其民大疫。秋風暴雨。總至。蒸莠

蓬蒿並興。蒸。音標。○此孟秋申金之氣所傷也。行冬令

則水潦為敗。雪霜大摯。首種不入。此孟冬亥水之氣所

淫也。摯。傷折也。首種

稷也。百穀
惟稷先種。

仲春之月，日在奎，昏弧中。旦建星中。奎宿在戌降婁之次，餘月舉二十八

宿，此云弧與建星者，弧近井，建近斗，井斗度多，其日甲

星體廣，不可的指，故舉弧建以定昏旦之中。乙，其帝大皞，其神句芒，其蟲鱗，其音角，律中夾鍾。卯律長七

寸有奇，言陰夾助大族，宣其數八，其味酸，其臭羶，其祀

四方之氣而出種物也。戶，祭先脾，始雨水，桃始華，倉庚鳴。黃鸝鷹化爲鳩。化者反歸

舊形之謂也。天子居青陽太廟，乘鸞路，駕倉龍，載青旂，衣

青衣，服倉玉，食麥與羊，其器疏以達。青陽太廟，東室，當太室也。是月

也。安萌芽，養幼少，存諸孤。安，不摧折也。擇元日，命民社。

郊特牲。言祭社用甲日。此又擇甲日之善者與。召誥社用戊日。命有司省囷圉去桎梏。毋肆掠。止獄訟。肆陳尸也。掠捶治也。是月也。玄鳥至。至之日。以太

牢祠于高禩。天子親往。后妃帥九嬪御。乃禮天子所御。

帶以弓韠。授以弓矢。于高禩之前。燕以施生時至。故以爲祠禩祈嗣之候。高

禩。先媒之神也。言禩者。神也。弓矢者。男子之事也。是月也。日夜分。雷乃發聲。始

電。蟄蟲咸動。啟戶始出。先雷三日。奮木鐸以令兆民曰。

雷將發聲。有不戒其容止者。生子不備。必有凶災。容止房室

之事。凶災。謂父母。日夜分。則同度量。鈞衡石。角斗甬。正權概。度音

杜甬音勇。概。是月也。耕者少舍。乃修闔扇。寢廟畢備。

執以平量器者。

母作大事以妨農之事。

用木曰闔。用竹葦曰扇。少是月舍暫息也。大事。軍旅之事。

也。母竭川澤。毋漉陂池。毋焚山林。

漉。亦竭也。

天子乃鮮羔開

冰。先薦寢廟。

鮮音獻。○獻羔以祭。司寒之神而後開冰。

上丁。

上旬之丁。必用丁者。先庚三日。

後甲三日也。

命樂正習舞釋菜。天子乃帥三公九卿諸侯大

夫親往視之。仲丁。又命樂正入學習樂。

習舞釋菜。將教習舞者。則先以

釋菜之禮。告先師也。

是月也。祀不用犧牲。用圭璧更皮幣。

謂祈禱不用牲

小祀耳。如太牢祀高禘。不在此限。稍重者用圭璧。稍輕者則以皮幣更之。

仲春行秋令。則其

國大水。寒氣總至。寇戎來征。

西金之氣所傷也。

行冬令。則陽氣

不勝。麥乃不熟。民多相掠。

掠音亮。○子水之氣所濡也。

行夏令。則國

乃大旱。煖氣早來。蟲螟爲害。

牛火之氣所泄也。

季春之月。日在胃昏七星中。旦牽牛中。

胃宿在西。大梁之次也。七星二

十八宿之星宿也。牽牛。河鼓也。三星直建牛上。若牽之者。故曰牽牛。不言牛而言牽牛。牛宿稍細。牽牛明大易

見也。其日甲乙。其帝太皞。其神句芒。其蟲鱗。其音角。律中

姑洗。

長七寸九分寸之一。姑。故。洗。新也。物皆去故就新也。

其數八。其味酸。其臭羶。

其祀戶。祭先脾。桐始華。田鼠化爲鴽。虹始見。萍始生。

鴽音

如。○鴽。鴽。鴽。之屬。萍。萍也。

天子居青陽右个。

東堂南偏。

乘鸞路。駕倉龍。載

青旂。衣青衣。服倉玉。食麥與羊。其器疏以達。是月也天

子乃薦鞠衣于先帝。

黃桑之服。色如鞠塵。象桑葉始生之色也。先帝。先代木德之君。薦此

以衣于神坐
祈蠶事。

焉天子始乘舟薦鮪于寢廟乃爲麥祈實

五覆五反詳
視其罅漏傾

也倒

可以內

內。客。齋。閉。藏。也。

天子布德行惠。命有司發倉

廩賜貧窮。振乏絕。開府庫。出幣帛。周天下。勉諸侯。聘名

士禮賢者。是月也。命司空曰。時雨將降。下水上騰。循行

國邑周視原野。修利隄防。道達溝瀆。開通道路。毋有障

塞。塞。入。

田獵置罟。羅網畢翳。餒獸之藥。毋出九門。

置音

音浮。翳音噎。餒音委。○罝罟捕獸罟。羅網捕鳥罟。畢小

長桓以擁牙也牙身者片以自隱也熊咆之也咆言

藥也。七物皆逆生道者，故禁之。九門，王城面各三門。南三門，王之正門。平日此等之物，皆不得出。餘門則出。此月則皆禁之。是月也，命野虞母伐桑柘，鳴鳩拂其羽，戴勝降

于桑，具曲植籩筐。

籩音舉。戴勝，織紵之鳥。一名戴鵲。即頭上戴勝也。曲，簿也。植，槌也。所以

架曲與籩筐者，籩圓而筐方。

后妃齋戒，親東鄉躬桑。禁婦女母觀。省

婦使，以勸蠶事。

觀去聲。母觀，不得為容觀也。省，婦使者，減省其箴線縫製之事。蠶事

既登，分繭稱絲效功，以供郊廟之服。母有敢惰。

登，成也。分繭，分

布於衆婦之繅者，稱絲效功。以多寡為功之上下。

是月也，命工師令百工審五

庫之量：金、鐵、皮革、筋、角、齒、羽、箭、幹、脂、膠、丹、漆。毋或不良。

五庫：金、鐵、一。皮革、筋、二。角、齒、三。羽、箭、幹、四。脂、膠、丹、漆、五。量，法也。百工咸理，監工日號。毋

悖于時。毋或作為淫巧以蕩上心。

時者如為弓必春液角夏治膠秋合三材

寒定體

是月之末。擇吉日。大合樂。天子乃帥三公九卿

之類。

諸侯大夫。親往視之。

注云其禮亡。

是月也。乃合累牛陂馬遊

牝于牧。犧牲駒犢。舉書其數。

果上聲。累騰皆乘匹之名。

命國難。九

門磔攘以畢春氣。

難音那。磔音責。掌之。裂牲曰磔。

除禍曰攘。春者陰氣

之終。故磔攘以終畢厲氣也。舊說大陵八星在胃北。主

死喪。冪中有大陵。積尸之氣。氣佚則厲鬼隨之而行。此

月初日在胃。從胃歷冪。故

擊疫之事。當于此時行之。季春行冬令。則寒氣時發。草

木皆肅。國有大恐。

丑土之氣所應也。肅者枝葉絨縮大恐。訛言也。孟春有恐。火訛也。此行冬

令。當訛言大水。漢

上商嘗止之矣。行夏令。則民多疾疫。時雨不降。山林

收承土之氣所應也。

行秋令則天多沈陰淫雨蚤降兵革並

起戊土之氣所應也。

孟夏之月日在畢昏翼中旦婺女中。

畢宿在申。實沉之次。翼南方火宿女。

北方其日丙丁其帝炎帝。

丙炳丁成也。火炳於丙成於丁。炎帝大庭氏。即神農也。赤

精之其神祝融。頤頤氏之子名

其蟲羽也。南方七宿鳥象

火其音徵。徵祉也。物盛大而繁

律中中呂。中呂之中。仲

陰始起未成著於其中。旅助姑

其數七。七者火

洗宣氣齊物也。長六寸有奇。

其祀竈。禮在廟門外之東。先設主於

其臭焦。苦焦者火

之氣味。其祀竈。禮在廟門外之東。先設主於

灶墜祭畢後設饌

於奧以迎尸也。

祭先肺。陽位在上。肺亦在上為尊。蟪

一云火克金故祭先肺。

禮記

卷之九

及古

蝻鳴蚯蚓出

蝻蝻蟻蟻也。陰物之伏者。蚯蚓。陰物之屈者。皆感正陽之氣而出。

王瓜生

色赤。感火而成。苦菜秀

火味。天子居明堂左个

太寢南。

乘朱路

駕赤駟。載赤旂。衣朱衣。服赤玉。食菽與雞。其器高以粗。

高而粗。大象物之盛長也。

是月也。以立夏。先立夏三日。太史謁之天

子曰。某日立夏。盛德在火。天子乃齊。立夏之日。天子親

帥三公九卿大夫。以迎夏於南郊。還反行賞封諸侯。慶

賜遂行。無不欣說。

迎夏者。祀炎帝祝融也。

乃命樂師習合禮樂。

將飲。

耐也。命太尉贊桀俊。遂賢良。舉長大。養壯佼。行爵出祿。必

當其位。

太尉。秦官也。壯大佼好。

是月也。繼長增高。毋有壞墮。毋起

土功毋發大衆毋伐大樹禮記是月也天子始蠶細命

野虞出行田原爲天子勞農勸民毋或失時命司徒循

行縣鄙命農勉作毋休於都是月也驅獸毋害五穀毋

大田獵農乃登麥天子乃以彘嘗麥先薦寢廟麥之新氣尤盛

以彘食之是月也聚畜百藥靡草死草之枝葉靡細者散其熱也是月也聚畜百藥靡草死陰類陽盛則死

麥秋至斷薄刑決小罪出輕繫蠶事畢后妃獻繭乃收

繭稅以桑爲均貴賤長幼如一以給郊廟之服后妃獻繭

妃獻內命婦之繭于天子也收繭稅者外命婦養蠶亦

用國北近郊之公桑近郊之稅十一故亦稅其繭十之

一其餘入已而爲其夫造祭服受桑多則稅多少則稅

亦少貴而卿大夫之妻賤而士婦無長幼皆稅十一也

是月也。天子飲酎。用禮樂。

酎。直又反。重釀之酒。曰酎。所謂為春酒以介眉壽也。

孟夏行秋令。則苦雨數來。五穀不滋。四鄙入保。

申金之氣所泄。

也。

行冬令。則草木蚤枯。後乃大水敗其城郭。

亥水之氣所傷也。

行春令。則蝗蟲為災。暴風來格。秀草不實。

寅木之氣所淫也。

仲夏之月。日在東井。昏亢中。旦危中。

亢音剛。東井在未。雞首之次。南方

木宿。八星。廣三十四度。亢。東方金宿。四星。廣九度。危。北方陰宿。三星。廣十六度。

其曰丙丁。其帝

炎帝。其神祝融。其蟲羽。其音徵。律中蕤賓。其數七。其味

苦。其臭焦。其祀竈。祭先肺。

蕤賓。午律。長六寸有奇。草木蕤矣。陰用事。而陽為賓。故名。

小暑至。螳螂生。鵙始鳴。反舌無聲。

螳螂。蜋也。鵙。母也。鵙。博勞。反舌。白舌鳥。以陽

敷而鳴以陰收而息。天子居明堂大廟，乘朱路，駕赤駟，載赤旂，衣

朱衣，服赤玉，食菽與雞。其器高以粗。明堂太廟。南是月

也。命樂師修鞀鞀鼓。鞀鼓同。鞀音裨。鞀所以裨助。均

琴瑟管簫，皆以宣音。故均之。執干戚戈羽，皆以持麾。故言執。調竽笙箎

簧。箎音池。竿三十六簧。笙十三簧。箎，即篪也。長尺四

寸。陳氏曰：詩言左執簧，則簧當別為一物。又按箎簧呂覽作塤篪，則土音。飭鐘磬祝歌。祝如漆桐。合樂之始

不闕而入音皆備矣。敬如伏虎節樂之終。命有司為民祈祀山川百源，大雩帝，用盛樂。陽氣盛而

百源能興雲雨者也。雩者，吁嗟求雨之祭。乃命百縣雲

帝者，天之主宰，盛樂，即上鞀鞀十九物。乃命百縣雲

祀百辟卿士，有益於民者，以祈穀實。百縣，畿內邑百辟

句龍后是月也農乃登黍天子乃以雛嘗黍羞以含桃

先薦寢廟桃饌也舍桃饌桃也令民毋艾藍以染文列通注云為傷陽氣也此

月藍始可別夏小正毋燒灰灰依呂氏春秋作戾母暴

日五月收灌藍麥毋燒灰母燒灰不伐薪也

布以陰功干盛陽門閭毋閉順時氣也關市毋索索

搜其匿稅也時氣盛挺重囚益其食挺拔出也重囚禁

大故亦行寬大之政挺重囚益其食挺拔出也重囚禁

假游牝別羣則繫騰駒班馬政妊孕已遂故別其羣是

月也日長至陰陽爭死生分夏至日長之極陽盡午中

之際故感陽氣而長者君子齊戒處必掩身毋躁止聲

色母或進薄滋味母致和節耆欲定心氣齊齋同皆

陰極也。致和厚滋。百官靜事。毋刑。以定晏陰之所成。依刑

味而極其和也。呂氏春秋作徯。母徑言母任意妄為也。晏安也。陰

道靜。故云晏。陰定而至于成。則循序而往。不為災矣。鹿

角解。蟬始鳴。半夏生。木堇榮。解脫。是月也。毋用火南方

可以居高明。可以遠眺望。可以升山陵。可以處臺榭。皆

陽明之時。仲夏行冬令。則雹凍傷穀。道路不通。暴兵來至。子

之氣所傷也。雹中虛陰脅。行春令。則五穀晚熟。百勝時

陽也。凍上實陰奪陽也。起其國乃饑。卯木之氣。行秋令。則草木零落。果實早成。

民殃於疫。西金之氣。季夏之月。日在柳。昏火中。旦奎中。柳宿在午。南方土宿。

八星。廣十四度。鶉火

之次。火。大火。心星。其日丙丁。其帝炎帝。其神祝融。其蟲

羽。其音徵。律中林鍾。其數七。其味苦。其臭焦。其祀龜。祭

先肺。林鍾未律。長六寸。林大鍾聚萬物大聚也。溫風始至。蟋蟀居壁。鷹乃學

習。腐草爲螢。天地溫厚之氣。始於東北而盛於東南。故季夏溫風始至也。蟋蟀未能遠飛。但居其

壁。學習。雖學數飛也。腐草爲木氣之餘。乘火而化也。天子居明堂右个。乘朱路。駕

赤騂。載赤旂。衣朱衣。服赤玉。食菽與雞。其器高以粗。明堂

右个。南堂西偏也。命漁師伐蛟。取鼈。登龜。取黿。命澤人納材葦。

是月也。命四監。大合百縣之秩。芻以養犧牲。令民無不

咸出其力。以共皇天上帝。名山大川四方之神。以祠宗

廟社稷之靈以為民祈福。四監王山林川澤之官也。是秩芻蕘犧牲之常芻也。

月也。命婦官染采黼黻文章。必以法故。無或差貸。黑黃

倉赤。莫不質良。毋敢詐偽。以給郊廟祭祀之服。以為旗

章。以別貴賤等給之。度。賁首二給。祫同。是月也。樹木

方盛。乃命虞人入山行木。毋有斬伐。不可以興土功。不

可以合諸侯。不可以起兵動眾。毋舉大事。以搖養氣。毋

發令而待。以妨神農之事也。水潦盛昌。神農將持功。舉

大事。則有災殃。神農主神主成就農事也。東井是月也

土潤溽暑。大雨時行。燒薙行水。利以殺草。如以熱湯可

也。是月也。君子始衣裘。水始涸。乃審曲面勢。未可耕也。毋

以糞田疇可以美土疆澤音肉難音贊。澤濕也。土氣

之季夏行春令則穀實鮮落國多風欬民乃遷徙鮮音

辰土之氣行秋令則丘隰水潦禾稼不熟乃多女災妊

多敗戌土之行冬令則風寒不時鷹隼蚤鷙四鄙入保

所應也氣

中央土土寄旺四時各十八日。在辰戌丑未之末。其曰

戊巳戊之言茂也。其帝黃帝。其神后土。黃帝軒轅氏。上

名其丁氏子句龍能平其蟲倮倮力果反。人爲倮蟲

是屬其音宮律仲黃鍾之宮宮音屬土。又爲君故配之

律皆有宮音而黃鍾之宮乃八十四調之首其聲最尊而大餘音皆自此起土寄旺于四時宮音亦冠于十二律非如十二月其數五天五生土地十成之其味甘其臭香其祀

以候氣言也。

中霤祭先心

霤力又反。中霤猶中室也。土主中央而

神在室。古者陶復陶穴皆開其上以漏光明。故雨露之後因名室中爲中霤。亦土神也。祭先心者心居中君之象。又火生土也。蔡邕曰。霤神在室。祀之設主于天子居太廟太室中央之乘大路駕黃駟載黃

牖下。

天子居太廟太室

中央之室也。

乘大路駕黃駟載黃

旂衣黃衣服黃玉食稷與牛其器圖以閼

閼音宏。閼寬廣也。

孟秋之月日在翼昏建星中旦畢中

翼在巳南方火宿。鶉尾之次。

其

日庚辛其帝少皞其神蓐收其蟲毛其音商律中夷則

其數九其味辛其臭腥其祀門祭先肝

庚更辛新也。少皞金天氏蓐收

少皞子該也。夷則申律。長五寸。有奇。夷傷也。萬物始傷。被刑法也。九金之成。數秋陰氣出。故祀門。先肝。金克木也。蔡邕曰。祀門者。秋為少陰。其氣收成。北面設主于門左。樞。涼風至。白露降。寒蟬鳴。鷹乃祭鳥。用始行戮。順時令也。天子居總章左个。太寢西堂南偏。乘戎路。駕白駱。白馬黑鬣。曰駱。載白旂。衣白衣服。服白玉。食麻與犬其器。廉以深。廉。利也。象金剛割。深。象陰閑藏也。是月也。以立秋。先立秋三日。太史謁之。天子曰。某日立秋。盛德在金。天子乃齋。立秋之日。天子親帥三公九卿諸侯大夫。以迎秋于西郊。還反。賞軍帥武人於朝。天子乃命將帥。選士厲兵。簡練桀俊。專任有功。以征不義。誅暴慢。以明好惡。順彼

遠方是月也。命有司脩法制繕囹圄。具桎梏。禁止姦慎。

罪邪。務搏執。命理瞻傷。察創。視折。審斷。決獄。訟必端平。

戮有罪。嚴斷刑。審斷之斷音段。嚴斷之斷音鉞。皮曰傷。肉曰創。骨曰折。皆決曰斷。四者

皆命。理獄之官。瞻之。察之。視之。審之。嚴者。謹重之意。天地始肅。不可以羸。陽羸而

贊化者不可。使陰氣之羸。是月也。農乃登穀。天子嘗新。先薦寢廟。命

百官始收斂。完堤坊。謹壅塞。以備水潦。修宮室。坏垣牆。

補城郭。坏音培。月建在酉。酉中有星。好雨。故為水潦之備。是月也。毋以封諸

侯。立大官。此與祭義嘗之時。出田邑相反。毋以割地。行大使。出大幣。孟

秋行冬令。則陰氣大勝。介蟲敗穀。戎兵乃來。大音太。亥水之氣。

所泄也。蟹有食穀者，謂之稻蟹，亦介蟲敗穀之類。

行春令，則其國乃旱。

寅中箕星好風

能散雲雨。

陽氣復還，五穀無實。

寅木之氣所損也。

行夏令，則國

多火災，寒熱不節，民多瘧疾。

巳火之氣所傷也。

仲秋之月，日在角，昏牽牛中，旦觜觿中。

觜音茲，觿音攜。角宿在辰，觿

星之次，觜觿西方火宿，三星如衆，其度最狹。漢魏猶二

度，至明正半，今時憲書乃十度者，蓋觜在上，參在下，二

星同體。古法先觜後參，則以觜度屬參。今參足更展，觜

已無度，二十八宿不可闕一。故先參後觜，則以參度屬

觜，其實一也。其日庚辛，其帝少皞，其神蓐收，其蟲毛，其音商。

律中南呂，其數九，其味辛，其臭腥，其祀門，祭先肝。

南呂，西律。

長五寸有奇。漢志：南，任也。陰氣旅助夷，則任成萬物也。

盲風至，鴻鴈來，玄鳥歸，羣

烏養羞

盲風疾風也。來自北而南也。羞者所美之食。養羞者藏之以備冬月之養也。

天子居

總章大廟。乘戎路。駕白駱。載白旂。衣白衣。服白玉。食麻

與犬。其器廉以深。

總章太廟。西堂。當太室也。

是月也。養衰老。授几杖。

行麋粥飲食。

助老氣也。行猶賜也。

乃命司服具飭衣裳。文繡有恒。

制有小大。度有長短。

此謂祭服也。又謂畫也。祭服之制。畫衣而繡裳。小者玄冕之一章。大

則袞冕之九章也。衣長而裳短。

衣服有量。必循其故。

此謂朝服燕服及他服之當為寒備

者也。故。

冠帶有常。

因制衣服。并作之也。

乃命有司。申嚴百刑。斬殺

必當。毋或枉撓。枉撓不當。反受其殃。

當去聲。○當謂值其罪。抑彼聽我曰。

枉。屈已就彼曰撓。枉者凌弱。撓者徇強。

是月也。乃命宰祝。循行犧牲。視全

具按芻豢。瞻肥瘠。察物色。必比類。量小大。視長短。皆中

度。五者備當。上帝其饗。

行中當。並去聲。○宰。主牲者。祝告神者。全。謂色不雜。具。謂體無

損也。物色。陽祀用騂牲。陰祀用黝牲。必比附陰陽之類。

而用之。小大以體言。長短以角言。五者。謂所視所案所

瞻所察。天子乃難以達秋氣。季春命國難以畢春氣。此

所量也。天子乃難以達秋氣。獨言天子難者。此為除過

時之陽暑。陽者君象。故諸侯以下。不得難也。陽氣左行。

此月宿直昂畢。亦得大陵積尸之氣。氣佚則厲鬼亦隨

而出行。於是亦命方相氏帥百隸而難之。王居

明堂。禮曰。仲秋九門。傑擗以發陳氣。禦止疾疫。以大嘗

麻。先薦寢廟。

麻。始熟也。

是月也。可以築城郭。建都邑。穿寶室。

修囷倉。

審音教。○四者。皆歛藏之備。穿地。隋曰。寶。方曰。審。囷。方曰。倉。

乃命有司趣

民收斂。務畜菜。多積聚。

趣音促。○始為。禦久之備也。

乃勸種麥。毋或

失時其有失時行罪無疑

麥者按絕續乏之教尤重之罪罰也

是月也日

夜分雷始收聲蟄蟲坏戶殺氣浸盛陽氣日衰水始涸

坏步同反○坏益也坏其蟄穴之戶

日夜分則同度量平權衡正鈞石角

斗甬

此與仲春同

是月也易關市來商旅納貨賄以便民事

四方來集遠鄉皆至則財不匱上無乏用百事乃遂

易謂

輕其稅使民利之

凡舉大事毋逆大數必順其時慎因其類

大事

謂興土功合諸侯舉兵衆也數者陰陽之數類者生殺之類

仲秋行春令則秋雨不

降草木生榮國乃有恐

心為木之氣所應也卯中有房心火故不雨且有火訛之

驚恐也

行夏令則其國乃旱蟄蟲不藏五穀復生

午火之氣所傷

陽春

卷之九

天

汲古閣

也。行冬令，則風災數起。收雷先行，草木蚤死。于水之氣所泄也。收

雷，收聲之雷也。先行者，非時而發也。

季秋之月，日在房，昏虛中。旦柳中。日月會於大火之次。房，東方陽宿，四星，直

下微曲，廣六度，虛。北方陽宿，二星，正直，廣九度。其日庚辛，其帝少暉，其神蓐收。

其蟲毛，其音商，律中無射，其數九，其味辛，其臭腥，其祀

門祭先肝。無射，戌律，長四寸零。班固曰：射，終也。萬鴻鴈物隨陽以終，復隨陽以始，無厭射也。

來賓爵，入大水為蛤。鞠有黃華，豺乃祭獸戮禽。蛤，古答反。○鴈

以仲秋至者為主。季秋至者為賓爵。化為蛤，飛化。天子為潛也。鞠，色專言黃者。秋令在金，金以黃為正也。天子

居總章右个。西堂北偏。乘戎路，駕白駱，載白旂，衣白衣服，白

玉食脰與犬其器廉以深。是月也。中嚴號令。命百官貴

賤。無不務內。以會天地之藏。無有宣出。

內納通。○注云。內謂收斂入之。

會合也。合天地閉藏之令也。宣出則悖時令。

乃命冢宰農事備收。舉五穀之

要。藏帝籍之收於神倉。祇敬必飭。

農事備收。百穀皆斂也。要者。租賦所入之

數。藏祭祀之穀曰神倉。祇謂謹其事。敬謂一其心。飭謂致其力。

是月也。霜始降。則百工

休。乃命有司曰。寒氣總至。民力不堪。其皆入室。

總至。凝聚而至。

也。

上丁。命樂正入學習吹。

吹去聲。○吹主樂聲而言。

是月也。大饗帝

嘗犧牲。告備于天子。

大饗帝者。即祀上帝于明堂。而以文王配也。嘗。秋祭之名。周之嘗以

仲月。此以季月者。彼取時之中。此取時之盛。

合諸侯。制百縣。為來歲受朔日。

與諸侯所稅於民輕重之法貢職之數以遠近土地所
宜爲度以給郊廟之事無有所私制教也此秦制也是月也天

子乃教於田獵以習五戎班馬政

禮教於田獵因田獵之

戎謂五兵弓矢戈矛戈戟也政謂齊其色度其力使同乘也校人職曰凡軍事物馬而頒之命僕及

七駟咸駕載旌旐授車以級整設于屏外司徒搢朴北

面誓之

僕戎僕及馭夫也七駟謂趣馬主爲諸官駕稅者以馬駕車又載析羽之旌龜蛇之旐旐罪而

授車于乘者以尊卑爲等級各使正其行列向背而設于軍門之屏外于是司徒搢朴于帶于陳前北面誓戒

之此時六軍皆向南而陳也搢卽夏楚二物周禮戎僕中大夫二人天子乃厲飾執弓挾

矢以獵命主祠祭禽于四方

厲飾戎服也主祠典祀者也

是月也草

木黃落乃伐薪為炭

伐木必因殺氣

蟄蟲咸俯在內皆墮其尸

俯垂頭也

乃趣獄刑毋留有罪

殺氣已至有罪者即決也

收祿秩之不當

供養之不宜者

收如漢法收印綬之收供養膳服之具也祿秩之不當恩所濫加也供養之不宜

奢侈僭踰制者也

是月也天子乃以大嘗稻先薦寢廟

稻始進也季

秋行夏令則其國大水

未中東井主之

冬藏殃敗

寶害之藏為木所侵民

多眚癘

未土之氣所應也眚者氣窒於鼻嚏者聲發于口皆肺疾以夏火克金故病此也

行冬

令則國多盜賊邊竟不寧土地分裂

丑土之氣所應也裂圻也

行春

令則煖風來至民氣解惰師興不居

辰土之氣所應也不居不止息也

孟冬之月日在尾昏危中旦七星中

尾在寅析木之次也

其日壬

癸主任也。癸，揆也。此時萬物懷妊。其帝顓頊高陽氏。黑

其神玄冥水官之臣。左傳云：少皞氏之子修及熙為玄冥。其蟲介介蟲龜。其音

羽羽音木。律中應鍾。長四寸零。班固曰：萬物應陽而動。下藏鍾聚也。其數六水成

其味鹹其臭朽水受惡穢故有朽腐之氣。其祀行冬陰往而陽來。故祀道路。行在廟門

外之西為軼壤厚三寸廣五尺輪四尺北面設主于軼

上乃制腎及脾為俎奠于主南又設盛于俎東祭肉腎

一脾再他祭先腎春夏秋皆祭先所勝冬當先心以中

如祀門禮祭先腎央祭心故但祭所屬又以冬主靜不

尚克制水始冰地始凍雉入大水為蜃虹藏不見屬飛

故也化潛

天子居玄堂左个北堂西偏。乘玄路駕鐵驪載玄旂衣

黑衣服玄玉食黍與稷黑深而玄淺旂色淺衣色深玉亦用自然之色黍秀舒散屬火

此時食之亦以安性也。筑水畜也。

其器閤以奄

閤者中寬奄者上窄象物閉藏也。

是月

也以立冬。先立冬三日。太史謁之天子曰。某日立冬。盛

德在水。天子乃齊。立冬之日。天子親帥三公九卿大夫

以迎冬於北郊。還反。賞死事。恤孤寡。

死事為國事死者。孤寡即其妻子也。

是月也。命太史戮龜策。占兆審卦。吉凶是察。阿黨則罪

無有掩蔽。

戮龜而占兆。戮策而審卦。以察吉凶。於是有所意曲從。取容於上。以亂法度者。則罪之。無

刑隱匿。

是月也。天子始裘。

周禮季秋獻功裘。至此月乃衣之。

命有司曰。天

氣上騰。地氣下降。天地不通。閉塞而成冬。命百官謹蓋

藏命。司徒循行積聚。無有不斂。

申嚴仲秋。積聚之令。

坏城郭。戒門

間修鍵閉慎管籥固封疆備邊竟完要塞謹關梁塞侯

徑要塞之塞先代反○蹊徑野獸往來之路也飭喪紀辨衣裳審棺槨之厚

薄塋丘壟之大小高卑厚薄之度貴賤之等級飭喪紀者飭王

喪事之紀律如下文所云也衰裳有精粗襲斂有多寡棺槨之厚薄塋之大小丘壟之高卑皆以貴賤爲辨厚

薄之度主禮而言貴賤之等級主人而言是月也命工師效功陳祭器按度

程毋或作爲淫巧以蕩上心必功致爲上物勒工名以

考其誠功有不當必行其罪以窮其情致如字舊讀徹當去聲○效呈

也政密也勒刻也是月也大飲烝注云十月農功畢天子諸侯與其羣臣飲酒於

也行猶治也太學以正齒位謂之大飲別之于他其禮也今天子以燕禮郡國以鄉飲酒禮代之烝謂有牲體爲俎也黨正

飲酒亦在此時天子乃祈來年于天宗大割祠于公社及門閭

臘先祖五祀勞農以休息之夫宗日月星辰也大割大殺羣牲割之社以上公配

祭故曰公社臘之言獵以田獵所獲之禽祭也勞農即周禮黨正屬民飲酒之禮天子乃命將

帥講武習射御角力以仲冬大閱也是月也乃命水虞漁師收

水泉池澤之賦毋或敢侵削衆庶兆民以爲天子取怨

于下其有若此者行罪無赦水冬涸故以冬時收賦孟冬行春令

則凍閉不密地氣上泄民多流亡寅木之氣所泄也行夏令則

國多暴風方冬不寒蟄蟲復出已火之氣所損也行秋令則雪

霜不時小兵時起土地侵削方氏云雪霜不時寒氣遲也小兵時起金氣盛也土

地侵削擎斂之致也。立夏巽用事。巽爲風。故大風申宿直參伐爲兵。而申陰氣尙微。故兵小。

仲冬之月。日在斗。昏東辟中。旦軫中。

斗在丑。星紀之次。東壁西方水宿。

星廣七度。軫南方水宿。四星似張。廣十七度。

其日壬癸。其帝顓頊。其神玄冥。

其蟲介。其音羽。律中黃鍾。其數六。其味鹹。其臭朽。其祀

行祭先腎。

黃鍾子律長九寸。班固曰。鍾動也。陽氣聚黃泉之下。萬物萌動也。

冰益壯。地

始坼。鴈旦不鳴。虎始交。

鴈旦夜鳴求日。之鳥交猶合也。

天子居立堂太

廟。乘立路。駕鐵騶。載立旂。衣黑衣服。立玉食黍與菰。其

器閔以菴。

立堂太廟。北堂當太室也。

飭死事。

謹飭戰陣者。必有死志。

命有司曰

土事毋作。慎毋發蓋。毋發室屋。及起大衆。以固而閑地。

氣沮泄是謂發天地之房諸蟄則死民必疾疫又隨以

喪命之曰暢月

房藏也暢充也萬物充實于內也

是月也命奄尹申官

令審門閭謹房室必重閉省婦事毋得淫雖有貴戚近

習毋有不禁

婦事之過為奇切者

乃命大酋秫稻必齊麴蘖必

時湛熾必潔水泉必香陶器必良火齊必得兼用六物

大酋監之毋有差貸

貸音貳○大酋酒官之長湛漬而餘之也熾蒸吹也六物謂必齊以

下六事差貸不中法式也

天子命有司祈祀四海大川名源淵澤井

泉順其德盛之時祭之也

是月也農有收藏積聚者馬牛畜獸

有放佚者取之不詰

惡其不收斂也

山林藪澤有能取蔬食田

獵禽獸者野虞教道之其有相侵奪者罪之不赦惡其強暴

也。是月也日短至陰陽爭諸生萌也。動君子齊戒處必

掩身身欲寧去聲色禁蓄欲安形性事欲靜以待陰陽

之所定。聲謂樂也。易及樂春秋說云冬至人主與羣臣從人能之士作樂五日此言去聲色又相反。

芸始生荔挺出蚯蚓結麋角解水泉動。芸香草荔馬荔一名鐵掃帚根

可為刷。○乾隆三十二年冬至日

上諭月令有冬至麋角解之文欽天監時憲書久經沿

襲登載前以鹿與麋皆解角于夏即疑禮經傳習不無

承譌嘗著鹿角記為之辨論而未究其所由昨因時值

長至偶憶南苑向有馴育之麋俗名長尾鹿者此時曾

否解角令御前侍衛五福前往驗視則蛻角或雙或隻

正與節候相叶並持新蛻之角呈覽自來疑義為之頓

釋說文有訓麋為麋屬之語名苑又稱鹿大者曰麋然

三者迥然不同。北人知之而南人則弗能辨。是以輒轉
出舛。夫窮理格物乃稽古所必資。已詳為著說以證。並
着將此交與欽天監。自後時憲書內即行。日短至則伐
改廩為廩。俾示信四海。毋仍昔誤。欽此。

木取竹箭。

大曰竹。小曰箭。

是月也可以罷官之無事。去器之無

用者。塗闕廷門閤。築圉圉。此以助天地之閉藏也。仲冬

行夏令則其國乃旱。

火氣乘之。應于來年。

氛霧冥冥。

亦火氣所蒸。

雷乃

發聲。

陰不能固陽也。午火之氣所克也。

行秋令則天時雨汁。瓜瓠不成。

雨雪雜下曰汁。

國有大兵。

酉金之氣所淫也。

行春令則蝗蟲為敗。水泉

咸竭。

卯中大火之所主也。

民多疥癩。

卯木之氣所泄也。

季冬之月。日在婺女。昏婁中。旦氏中。

女在子。玄枵之次也。婁西方金宿。三

土宿四星似斗而側廣十六度其曰壬癸其帝顓頊其

神玄冥其蟲介其音羽律中大呂其數六其味鹹其臭

朽其祀行祭先腎

漢志曰呂旅也陰大旅助黃鍾宣氣而聚物也大呂長八寸零鴈北

鄉鵲始巢雉雊雞乳天子居立堂右个乘立路駕鐵驪

戰立旂衣黑衣服立玉食黍與粢其器閭以奄

立堂右个北堂

東偏也

命有司大難旁磔出土牛以送寒氣

此下及庶人又以陰氣極

盛故云大難也旁磔謂四方之門皆披磔其牲以攘除

陰氣也此月日經虛危司命二星在虛北司祿二星在

司命北司危二星在司祿北司中二星在司危北此四

司者見官之長又墳四星在危東南墳墓四司之氣能

為厲鬼將來或為災厲故難磔以攘除之事

征鳥鴈疾

或然也出作也丑為牛土能制水故作之

征鳥鷹隼之屬。厲疾者猛厲而迅疾也。乃畢山川之祀及帝之大臣天之

神祇帝之大臣句芒祝融之屬神祇如司中司命風師雨師之屬是月也命漁師始

漁天子親往乃嘗魚先薦寢廟親往者爲薦先也冰方盛水澤

腹堅命取冰冰以入腹堅者冰之內堅厚也令告民出五種命農

計耦耕事脩耒耜具田器皆豫備東作之事命樂師大合吹而

罷歲將終與族人大飲作樂于大寢以綴恩也言罷者此用禮樂于族人最盛後年季冬乃復如此作樂以

一年頓停故云罷也王居明堂禮季冬乃命四監收秩

薪柴以共郊廟及百祀之薪燎秩常也燎夜燎之用也是月也日

窮于次月窮于紀星回于天數將幾終歲且更始日月星辰

三

皆運行于故處也。言在上者當令專而農民毋有所使。民專壹汝農之

事。毋得徭役使之也。天子乃與公卿大夫共飭國典。論時令以待

來歲之宜。飭之者慮來歲之變論之者防來歲之差此所謂異宜也。乃命太史次諸

侯之列。賦之犧牲。以共皇天上帝社稷之饗。列謂國有大小也。

乃命同姓之邦。共寢廟之芻豢。同姓諸侯供之。命宰厘卿大夫

至于庶民土田之數。而賦犧牲。以共山林名川之祀。歷猶

也。凡在天下九州之民者。無不咸獻其力。以共皇天上

帝社稷寢廟山林名川之祀。禮有五經。莫重于祭。季冬行秋令。則

白露蚤降。介蟲為妖。四鄙入保。戊土之行春令。則胎天氣所應。

多傷天方國多固疾也久疾命之曰逆辰土之氣所應行夏令則

水潦敗國時雪不降冰凍消釋未土之氣所應也

明堂位第三十八

疏云鄭目錄云記諸侯朝于明堂所陳列之位也于別錄屬明堂陰陽

昔者周公朝諸侯于明堂之位天子負斧依南鄉而立

依狀如屏風以絳為質高八尺東西當戶牖之間繡為

斧文曰斧依天子註云即周公攝天子位夫周

公但攝政耳未嘗居天子位也王莽居攝皆自此等說

啓之誣聖人害世教其罪大矣宜與下文踐天子之位

并刪三公中階之前北面東上諸侯之位阼階之東西面

北上諸伯之國西階之西東面北上諸子之國門東北

面東上諸男之國門西北面東上

中階者南面三階故稱中言位者朝位也

下言國者同

九夷之國東門之外西面北上八蠻之國南門

之外北面東上六戎之國西門之外東面南上五狄之

國北門之外南面東上

夷蠻戎狄各從其方之門而以右爲尊獨南面東上者不然方

氏以爲南面疑于君故與北面者同其上也

九采之國應門之外北面東上

九牧謂之采者采取方物而貢之所謂千四塞世告至里之外曰采也明堂無重門但有應門耳

此則公明堂之位也明堂也者明諸侯之尊卑也

四塞九州

外之夷狄也若天子新卽位或其國君易世皆一來朝告至故云世告至也

昔殷紂亂天下

浦鬼侯以饗諸侯是以周公相武王以伐紂武王崩成

工幼弱周公踐天子之位以治天下六年朝諸侯於明

堂制禮作樂頒度量而天下大服七年致政於成王

鬼侯

鬼方國之侯脯者殺人以爲薦羞惡之極也踐位致政蓋因洛誥有復子明辟誕保七年之交而附會之耳辨見書成王以周公爲有勲勞於天下是以封周公於曲

阜地方七百里革車千乘命魯公世世祀周公以天子

之禮樂是以魯君孟春乘大路載弧韠旂十有二旒日

月之章祀帝于郊配以后稷天子之禮也

七百里之說朱子信之今

以魯頌所載山川土田附庸及春秋傳所載地名證以今釋地里志益信天子禮樂之賜乃記者之謬說謂惠公所請者猶爲近之孟春建子之月大路殷祭天之車孤旌旗所以張幅也其衣曰韠旒屬于旂之正幅而畫

日月以爲章。季夏六月以禘禮祀周公於大廟。牲用白

牡。季夏建巳之尊用犧象山罍鬱尊用黃目。犧音莎。又

尊者刻畫鳳形斐斐然也。又云爲犧牛之形。象尊以象

骨飾尊。又云爲象形也。山罍刻畫山雲之狀于罍也。鬱

尊盛鬱鬯者。黃目黃彝也。白灌用玉瓚。大圭薦用玉豆。

雕簋爵用玉琖。仍雕加以璧散。璧角俎用琬琰。琬反。琰側

眼反。散去聲。琬音澣。琰音釅。瓚形如槃。容五升。飾以

玉。大圭爲柄。薦薦苴醢之屬。玉豆飾以玉。簋籩也。雕飾

其柄。玉琖夏時爵名。仍雕者。因爵形而雕飾之加者。夫

人亞獻于尸也。用璧角。卽周禮內宰所謂瑤爵也。夫人

獻後則賓用璧散。獻尸散角皆以璧飾其口。先言散後

言角。便文也。虞俎名琬。夏俎名琰。琬形四足如按。琰則

加橫木于足中。升歌清廟。下管象朱干玉戚。冕而舞

鸛。橫距之形也。

大武皮弁素積。錫而舞大夏。昧東夷之樂也。任南蠻之

樂也。納夷蠻之樂於太廟。言廣魯於天下也。錫音析。昧音妹。任而

林反。朱干赤盾。玉戚以玉飾斧柄也。君卷冕立于阼。夫人副褱立于房

中。君肉袒迎牲于門。夫人薦豆籩。卿大夫贊君。命婦贊

夫人。各揚其職。百官廢職。服大刑而天下大服。房太廟之東南

室也。命婦內則世婦。外則卿大夫之妻也。是故夏禘秋嘗。冬烝春社。秋省而

遂大蜡。天子之祭也。省依注讀爲猶。不言春祠。魯在東方。王東巡守以春。或闕之猶秋

田名也。大廟。天子明堂。庫門。天子皐門。雉門。天子應門。言

及門如天子之制也。天子五門。皐庫雉應路。魯有庫雉路。則諸侯三門與。振木鐸於朝。天子

及門如天子之制也。天子五門。皐庫雉應路。魯有庫雉路。則諸侯三門與。振木鐸於朝。天子

及門如天子之制也。天子五門。皐庫雉應路。魯有庫雉路。則諸侯三門與。振木鐸於朝。天子

之政也。山節藻稅，復廟重檐。

復廟上下重屋也。重檐者，簷下復有板簷，免風雨之

壞。刮楹達鄉。

鄉，去聲。刮楹，以密石摩柱也。每室四戶八牖，二戶相對，故云達鄉。

反玷出

尊。反玷，在尊之南，故云出。

崇玷康圭，疏屏。天子之廟飾也。

康，安也。措之得

所，則不危重圭，故為高玷以安之。疏屏者，刻鏤于屏，使文理疏通也。

鸞車，有虞氏之路也。

鉤車，夏后氏之路也。大路，殷路也。乘路，周路也。

鸞，有鸞和也。鉤，

有曲與者也。

有虞氏之旅，夏后氏之綏，殷之大白，周之大赤。

綏，讀為綏。交龍為旅。注旄牛尾於杠，首曰綏。大白，大赤。白色赤色旗也。

夏后氏駱馬黑鬣。

殷人白馬黑首。周人黃馬蕃鬣。夏后氏牲尚黑，殷白牡。

周駢剛。

白黑相間曰駢。蕃鬣，赤鬣也。

泰，有虞氏之尊也。山罍，夏后氏

之尊也。著殷尊也。犧象周尊也。秦用瓦著。著地無足也。爵夏后氏

以琖。殷以斚。周以爵。斚。畫禾稼也。周之爵。則爵之形也。灌尊夏后氏以

雞夷。殷以斚。周以黃目。夷。讀為彝。法也。為餘尊之法。而刻畫雞形。其勺夏后

氏以龍勺。殷以疏勺。周以蒲勺。勺。柄頭也。龍。龍頭。疏。通刻其頭。蒲。合蒲。如鳧頭。

也。土鼓蕢桴。鞀籥伊耆氏之樂也。蕢。讀為由。籥。拊。搏。玉如笛三孔。

磬指擊。大琴大瑟。中琴小瑟。四代之樂器也。拊。搏。以韋為之。充之。

以糠。形如小鼓。指擊。謂祝歌皆所以節樂者也。魯公之廟。文世室也。武公之廟。

武世室也。此二廟。象周文武之廟。米廩有虞氏之庠也。序夏后氏

之序也。瞽宗殷學也。類官周學也。米廩。魯藏粢盛米之廩。崇鼎。實

鼎大璜封父龜天子之器也越棘犬弓天子之戎器也。

崇貫封父越皆國名棘戟也夏后氏之鼓足殷楹鼓周縣鼓垂之和

鍾叔之離磬女媧之笙簧足謂四足也楹貫之以柱也縣縣于簣簣也世本曰無句

作磬皇氏云無句叔之別名夏后氏之龍簣虞殷之崇牙周之璧嬰

簣音筍虞音矩橫曰筍植曰虞以懸樂器飾以龍形崇牙者刻木爲之飾以采色其狀隆然殷人于簣之上

施崇牙以挂鐘磬也周人則又於簣上畫爲嬰載之以璧下懸五采之羽而挂于簣之角焉有虞氏

之兩敦夏后氏之四璉殷之六瑚周之八簋敦音對敦有蓋者璉音矩

俎有虞氏以梡夏后氏以楨殷以棋周以房俎棋音矩棋者

俎之足間橫木爲曲橈之形如棋之枝也房足下附俎上下兩間有似于堂房夏后氏以楬豆

殷玉豆。周獻豆。

楊。苦暗反。獻音莎。楊。不飾也。木質而已。

有虞氏服韍。夏后

氏山。殷火。周龍章。

此四代祭服之韍。

有虞氏祭首。夏后氏祭心。

殷祭肝。周祭肺。

各祭其所勝。

夏后氏尚明水。殷尚醴。周尚酒。

周亦尚明水。而不尚酒。記者誤。

有虞氏官五十。夏后氏官百。殷二百。周

三百。有虞氏之綏。夏后氏之綢練。殷之崇牙。周之璧鬯。

綏音綏。綢音叨。注云。綏亦旌旗之綏也。夏綢其杠。以練爲之。旒。殷周則彌文矣。

凡四代之服

器官。魯兼用之。是故魯王禮也。天下傳之久矣。君臣未

嘗相弑也。禮樂刑法政俗。未嘗相變也。天下以爲有道

之國。是故天下資禮樂焉。

此見春秋經而不見傳者。故其言多誣。

燕義第三十九

疏云。鄭目錄云。記君臣燕飲之禮。上下相尊之義。此於別錄屬吉事。案儀禮目錄云。諸侯無事。若卿大夫有勤勞之功。與羣臣燕飲以樂之。勤勞。謂征伐聘問。詩曰。吉甫燕喜是也。臣有王事之勞。亦燕之。故燕禮記云。若有王事是也。

諸侯燕禮之義。君立阼階之東南。南鄉爾卿。大夫皆少進。定位也。君席阼階之上。居主位也。君獨升立席上。西面特立。莫敢適之義也。鄉。去聲。適。作敵。案爾卿下。當有卿西面北上。爾大夫八字。少進。稍前也。定位。定諸臣之位也。自此以下。皆記者舉儀禮正文而釋其義。設賓主。飲酒之禮也。使宰夫爲獻主。臣莫敢與君亢禮也。不以公卿爲賓。

而以大夫爲賓爲疑也。明嫌之義也。賓入中庭。君降一

等而揖之。禮之也。

設賓主者。飲酒致歡也。宰夫主膳。食之官也。天子使膳宰爲主人。公孤也。

疑。自下上至之辭。公卿尊矣。復以爲賓。則尊與君大相近。君舉旅於賓。及君所賜爵。

皆降。再拜稽首。升成拜。明臣禮也。君答拜之。禮無不答。

明君上之禮也。臣下竭力盡能以立功於國。君必報之。

以爵祿。故臣下皆務竭力盡能以立功。是以國安而君

寧。禮無不答。言上之不虛取於下也。上必明正道以道

民。民道之而有功。然後取其什一。故上用足而下不匱。

也是以上下和親而不相怨也。和寧禮之用也。此君臣

上下之大義也。故曰燕禮者所以明君臣之義也。宰夫

代主人行爵。酬賓之後。君命下大夫二人。腰爵以酬賓。賓以旅酬於西階上。旅序也。以次序勸卿大夫飲酒也。此之謂君舉旅於賓也。君所賜爵則特賜臣下之爵也。此二者。賓皆降西階下。再拜稽首。公命小臣辭。則賓升而。成拜。謂復再拜稽首也。先時以君辭之。於禮未成。故云成拜也。楊氏曰。按公取腰爵以酬賓。此別是一禮。與尋常酬賓不同。君臣之際。其分甚嚴。其情甚親。使宰夫為獻主。所以嚴君臣之分。今舉觴以酬賓。賓西階下拜。小臣辭。升成拜。公奠解。答再拜。公卒解。賓下拜。公席。答再拜。略去勢分。極其謙卑。所以通君臣之情也。

小卿次上卿。大夫次小卿。士庶子以次就位於下。獻君。

君舉旅行酬。而后獻卿。卿舉旅行酬。而后獻大夫。大夫

舉旅行酬。而后獻士。士舉旅行酬。而后獻庶子。俎豆牲

體薦羞皆有等差。所以明貴賤也。上卿在賓席之東，小卿在賓席之西，皆是小卿之西，是大夫次，小卿也。士受獻于西階之上，退立于阼階下。西面北上。庶子受獻于阼階上，亦退立于阼階下。庶子次于士，是士庶子以次就位于下也。獻君者，主人酌以獻也。公取腍爵以酬賓，賓以旅酬於西階上。此所謂獻君。若舉旅行酬也，而后獻卿者，亦主人獻之也。公又行一爵，亦腍者之爵也。若卿若賓，惟公所酬。卿亦以旅于西階之上。禮亦如初。此亦是君舉旅而言卿舉者，蓋君爲卿舉耳。下言大夫舉旅，士舉旅，其義同。而後獻大夫，亦主人獻之也。公又舉奠，卿以賜，是爲大夫舉旅也。主人獻士，公復賜之，是爲士舉旅也。公舉旅之禮止於士，不及庶子矣。而后獻庶子者，主人獻之于阼階之上也。

牲狗也。

古者周天子之官有庶子官。庶子官，職諸侯卿大夫士

之庶子之卒。掌其戒令。與其教治。別其等。正其位。國有
大事。則率國子而致於天子。唯所用之。若有甲兵之事。
則授之以車甲。合其卒伍。置其有司。以軍法治之。司馬
弗正。凡國之政事。國子存游卒。使之修德學道。春合諸
學。秋合諸射。以考其藝。而進退之。注云。職主也。庶子。猶
諸子也。周禮諸子之
官。司馬之屬也。卒。讀爲倅。諸子。副代父者也。戒令。致於
太子之事。教治。脩德學道也。位。朝位也。國子。諸子也。軍
去。自人爲卒。五人爲伍。國子屬太子。司馬雖有軍事。不
賦也。游卒。未仕者也。學。太學也。射。射宮也。燕禮有庶子
官。故燕義載此。以爲說義疏云。此必他書斷簡掇拾者。
見下有士庶子就位於下字。遂取以附此耳。今姑另斷
爲一章。按芮氏又云。刪之爲
當。今取以附于本篇之末云。

聘義第四十

疏云。鄭目錄云。記諸侯之國。交相聘問之禮。重禮輕財之義也。此於別錄屬吉事。

聘禮。上公七介。侯伯五介。子男三介。所以明貴賤也。

此皆

使卿出聘之介數也。大行人職曰。凡諸侯之卿。其禮各下其君二等。介紹而傳命。君子於

其所尊弗敢質。敬之至也。

陳氏曰。紹繼也。其位相承繼也。先時上擯入受主君之命。

出而傳與承擯。承擯傳於末擯。此是傳而下也。賓之末

介。受命於末擯而傳與次介。次介傳與上介。上介傳與

賓。是傳而上也。質。正也。於所尊者不敢正。自相當。故以

介傳命。敬之至也。賓出大門外西。北面。介自南向北。爲

序。主君在內。迎賓者。自北向南。爲序。三讓而后傳命。三讓而后入廟門。三

揖而后至階。三讓而后升。所以致尊讓也。疏曰。此明傳

命時。揖讓升

階之節。注云此揖讓。主謂賓也。三讓而后傳命。賓至大

門。主人請事時也。賓見主人陳擯。以大客之禮當已。則

三讓之。不得命。乃傳其君之聘命也。三讓而后入廟門。

讓主人廟受也。小行人職曰。凡四方之使者。大客則擯。

小客則受其幣。聽其辭。○疏云。三揖而後至階者。初入

廟門。一揖。當階北面。又揖。當碑。又揖也。三讓而后升者。

至階。主君讓賓升。賓讓主君。如君使士迎于竟。大夫郊

此者三。主君乃先升。賓乃升也。君使士迎于竟。大夫郊

勞。君親拜迎于大門之內。而廟受。北面拜貺。拜君命之

辱。所以致敬也。敬讓也者。君子之所以相接也。故諸侯

相接以敬讓。則不相侵陵。郊勞勞之于近郊也。用束帛

拜於阼階上。拜君命之辱者。釋北面拜之義也。卿爲上擯。大夫爲承擯。士爲紹

擯。君親禮賓。賓私面私覲。致饗餼還圭璋。賄贈饗食燕

損。君親禮賓。賓私面私覲。致饗餼還圭璋。賄贈饗食燕

損。君親禮賓。賓私面私覲。致饗餼還圭璋。賄贈饗食燕

損。君親禮賓。賓私面私覲。致饗餼還圭璋。賄贈饗食燕

損。君親禮賓。賓私面私覲。致饗餼還圭璋。賄贈饗食燕

所以明賓客君臣之義也。

卿主國之卿也。承損者承則上損也。紹損者繼續承損也。

賓行聘事畢。主國君親執醴以禮賓。賓私以已禮物覲見主國之卿大夫曰私面。私以已禮物覲見主國之君曰私覲。殺者曰饗。生者曰餼。聘覲皆畢。賓介就館。主君使卿致饗餼之禮於賓。賓來時執圭璋以爲信。主君既受之矣。今將去。君使卿送至賓館以還之。還玉畢。加以賄贈之禮。經云賄用束紡。紡今之絹也。饗禮食禮皆在朝。燕禮在寢。一食再饗。燕無常數。○注云。設大禮則賓客之也。或不親而使臣則爲君臣也。故天子

制諸侯。比年小聘。三年大聘。相厲以禮。使者聘而誤。主

君弗親饗食也。所以愧厲之也。諸侯相厲以禮。則外不

相侵。內不相陵。此天子之所以養諸侯。兵不用而諸侯

自爲正之具也。

天子制諸侯者。天子制此禮而使諸侯行之也。此年每歲也。小聘使大夫。大聘

使卿謂禮節錯誤也。○呂氏曰：古今惟禮可以養人，制諸侯，是天子養之也。自爲正，是諸侯自養也。相厲以禮，正其以主璋聘，重禮也。已聘而還主璋，此輕財而禮相養處。以主璋聘，重禮也。已聘而還主璋，此輕財而重禮之義也。諸侯相厲以輕財，重禮，則民作讓矣。主璋也。聘則束帛加璧於君，則用圭於夫人，則用璋。其行享禮於君璋者，以圭璋是行禮之器，故重之而不敢受也。璧琮與幣皆財也。財在所輕，故受而不還。故曰：此輕財而重禮之義也。○呂氏曰：諸侯相厲以輕財，主國待客，出入三而重禮，則遠利而有恥，所以民作讓。積餼客於舍，五牢之具陳於內，米三十車，禾三十車，芻薪倍禾，皆陳於外。乘禽曰五雙，羣介皆有餼牢，壹食再饗，燕與時賜無數，所以厚重禮也。古之用財者不能均。

如此然而用財如此其厚者言盡之於禮也盡之於禮

則內君臣不相陵而外不相侵故天子制之而諸侯務

焉爾

出既行也入始至也積謂饋之牢禮米禾芻薪之屬其來與去皆三饋之積致饗餼於賓之館舍三

牲備爲一牢餼一牢在賓館西階廂二牢在賓館東階

餼二牢在賓館門內之西米車設於門東禾車設於門

西倍禾倍其數也禮註云新從米芻從禾疏云薪以炊

爨故從米芻以食馬故從禾此四物皆在門外乘禽乘

行羣匹之禽鴈鶩之屬也等客云凡禮賓客國新殺禮

凶荒殺禮札喪殺禮禍裁殺禮在野在外殺禮故古之

用財者不能皆如此豐厚然而於聘禮則厚者是欲極

盡之於禮也用財雖厚盡禮而止不敢加美以沒禮故

內不相陵外不相侵聘射之禮至大禮也質明而始行

皆爲禮以制之故也

事日幾中而后禮成非强有力者弗能行也故强有力

者將以行禮也。酒清人渴而不敢飲也。肉乾人飢而不敢食也。日莫人倦。齊莊正齊而不敢解情。以成禮節。以正君臣。以親父子。以和長幼。此衆人之所難。而君子行之。故謂之有行。有行之謂有義。有義之謂勇敢。故所貴於勇敢者。貴其能以立義也。所貴於立義者。貴其有行也。所貴於有行者。貴其行禮也。故所貴於勇敢者。貴其政行禮義也。故勇敢強有力者。天下無事。則用之於禮義。天下有事。則用之於戰勝。用之於戰勝。則無敵。用之於禮義。則順治。外無敵。內順治。此之謂盛德。故聖王之

貴勇敢強有力如此也勇敢強有力而不用之於禮義

戰勝而用之於爭鬪則謂之亂人刑罰行於國所誅者

亂人也如此則民順治而國安也

乾音干。○疏云此明聘禮而兼及射禮也

子貢問於孔子曰敢問君子貴玉而賤珉者何也爲玉

之寡而珉之多與孔子曰非爲珉之多故賤之也玉之

寡故貴之也夫昔者君子比德於玉焉溫潤而澤仁也

縝密以栗知也廉而不剌義也垂之如隊禮也叩之其

聲清越以長其終詘然樂也瑕不揜瑜瑜不揜瑕忠也

孚尹旁達信也氣如白虹天也精神見于山川地也圭

璋特達德也。天下莫不貴者，道也。詩云：「言念君子，溫其如玉。」故君子貴之也。璋音民。璋，石之似玉者，緝縠也。越猶揚也。詘，絕止貌。樂記曰：「止如橐木。」取玉之病也。瑋，其中閒美者。尹，正也。字尹猶言信正。一說尹當作允，字允皆信也。圭璋特達，謂行聘之時，惟執圭璋特得通達，不加餘幣也。此因聘禮用玉，故論玉之德以結之。

鄉飲酒義第四十一

疏云：案鄭日錄云：「此記鄉大夫飲賓於庠序之禮。」尊賢養老之義，但此篇有四事：三年賓賢，賢能一也；鄉大夫飲國中賢者，二也；州長習射飲酒，三也；黨正蜡祭飲酒，四也。古者天子六鄉，諸侯三鄉，各有鄉大夫而鄉有鄉學，取致仕在鄉之大夫爲父師，致仕之士爲少師。在學中名爲鄉先生，使教鄉中之人。三年業成，必升於君，升之必用正月，先爲鄉飲酒之禮。鄉大夫與鄉先生謀事，擇學士最賢者爲賓，次者爲介，又

次爲衆賓。鄉大夫爲主人。與之飲酒而後升之。故周禮鄉大夫職云。三年則大比。放其德行。道藝而興賢者能者。鄉老及鄉大夫帥其吏。與其衆。以禮賓之。州則一年再飲。以州長爲主人。黨則一年一飲。以黨正爲主人。呂氏曰。鄉飲酒者。鄉人以時會聚飲酒之禮也。因飲酒而射焉。則謂之鄉射。

鄉飲酒之義。主人拜迎賓于庠門之外。入三揖而后至階。三讓而后升。所以致尊讓也。盥洗揚觶。所以致絜也。

拜至。拜洗。拜受。拜送。拜旣。所以致敬也。尊讓絜敬也者。

君子之所以相接也。君子尊讓則不爭。絜敬則不慢。不

慢不爭。則遠於鬪辨矣。不鬪辨。則無暴亂之禍矣。斯君

子所以免於人禍也。解之。豉反。絜與潔通。庠。鄉學也。疏曰。此謂鄉大夫。故迎賓于庠門。

外若州長黨正則於序門外也。主人將獻賓以水盥手而洗爵。揚觶賓主升堂。主人於阼階上北面再拜。主人拜至訖洗爵而升。賓於西階上北面再拜。主人之洗拜受爵。主人拜送爵。賓飲酒既盡復拜。皆所以致其敬也。故聖人制之以道。鄉人士君子尊於房戶之間。賓主

共之也。尊有玄酒。貴其質也。羞出自東房。主人共之也。

洗當東榮。主人之所以自絜而以事賓也。

鄉人鄉大夫也。士州長黨

正也。君子謂卿大夫也。設尊於東房之西。室戶之東在主人之間。酒雖主人所設。賓亦以之酌。主人故云賓主共之。北面設尊。玄酒在左。是在酒尊之西。地道尊右。貴其質素故也。兵之者供於賓也。榮屋翼也。設洗於庭當屋之東翼。示主人自絜以事賓也。賓主象天地也。介僎象陰陽也。二賓

象三光也。

僎音遵。天地者陰陽之體。陰陽者天地之用。故賓主介僎象之三賓者衆賓之長。所以

輔賓猶三光之輔于天也。三光先儒謂三大辰。心也。伐也。北辰也。讓之三也。象月之三

日而成魄也。

朱子曰。自賓主象天地以下。至禮以體長。功曰德。及後章立賓以象天以下。至篇終。

皆牽合附會。迂滯之說。不足深究。其曰。月三日而成魄。

尤爲紕陋。說見篇末。陸氏曰。日君象。月臣象。望日去

日最遠。故盈望後三日稍近。故已成魄。至晦朔全近日

則純魄。晦後三日始稍遠。故哉生明也。此正謂三賓近

賓而禮殺。猶三卿近君而賓主介禮殺。皆如月之讓日耳。四面之坐。象四時也。

賓主介儀之坐。

象春夏。天地嚴凝之氣。始於西南。而盛於西北。此天地

秋冬也。天地嚴凝之氣。始於西南。而盛於西北。此天地

之尊嚴氣也。此天地之義氣也。天地溫厚之氣。始於東

北。而盛於東南。此天地之盛德氣也。此天地之仁氣也。

主人者尊賓。故坐賓於西北。而坐介於西南。以輔賓。賓

主人者尊賓。故坐賓於西北。而坐介於西南。以輔賓。賓

主人者尊賓。故坐賓於西北。而坐介於西南。以輔賓。賓

者。接人以義者也。故坐於西北。主人者。接人以仁。以德
厚者也。故坐於東南。而坐僕於東北。以輔主人也。仁義
接。賓主有事。俎豆有數。曰聖。聖立而將之以敬。曰禮。禮
以體長幼。曰德。德也者。得於身也。故曰古之學術道者。
將以得身也。是故聖人務焉。呂氏曰。天下之理義無所
不通。無所不敬。禮之所由制也。禮之行不在乎他。在乎長
幼之分而已。性之德也。禮得於身之謂德。由學而後得
於身。則與先得於人心之同然者。亦無異矣。故祭薦祭
誠之而至於誠。乃天道。是亦聖人也。術猶藝也。祭薦祭
酒敬禮也。饔飭嘗禮也。啐酒成禮也。於席未言是席之
正。非專爲飲食也。爲行禮也。此所以貴禮而賤財也。卒

解。致實於西階上。言是席之上。非專爲飲食也。此先禮而後財之義也。先禮而後財。則民作敬讓而不爭矣。疏。祭薦者。主人獻賓。賓卽席。祭所薦脯醢也。祭酒者。賓既祭薦。又祭酒也。此是賓敬重主人之禮。賓既祭酒之後。與取俎上之肺。齊齒之所以嘗主人之禮也。啐者。飲主人酒而入口。所以成主人之禮也。席末。席西頭也。按儀禮。祭薦祭酒。齊肺。皆在席之中。惟啐酒在席末。又齊肺在前。祭酒在後。此先云祭酒者。齊是嘗齊之名。祭酒是未飲之稱。故祭酒與祭薦相連。表其敬禮之事。敬主人之物。故祭薦祭酒。齊肺。皆在席中。啐酒入于已。故在席末。於席上者是貴禮。於席末啐酒。是賤財也。啐。纔始入口。猶在席末。卒解則盡爵。故遠在西階上。云卒解者。論其將欲卒解之事。致實則論其盡酒之體。酒爲觴中之實。今致盡此實也。

鄉飲酒之禮。六十者坐。五十者立。侍以聽政役。所以明

尊長也。六十者三豆。七十者四豆。八十者五豆。九十者六豆。所以明養老也。民知尊長養老而后乃能入孝弟。民入孝弟出尊長養老而后成教。成教而后國可安也。君子之所謂孝者。非家至而日見之也。合諸鄉射教之。鄉飲酒之禮而孝弟之行立矣。所謂孝之孝當作教。注云。此一節言黨正索鬼神而祭祀。則以禮屬民而飲酒於序。以正齒位之禮也。其鄉射則州長春秋以禮會民而射于州序之禮也。謂之鄉者。州黨乃鄉之屬也。或則鄉之所居州黨鄉大夫親爲主人也。如今郡國下令長於鄉射飲酒。從太守相臨之禮也。坐者坐於堂上。立者立于堂下。豆當從偶數。此但十年而加一豆。非正禮也。

孔子曰。吾觀於鄉而知王道之易易也。主人親速賓及

介而衆賓自從之至於門外主人拜賓及介而衆賓自

入貴賤之義別矣三揖至于階三讓以賓升拜至獻酬

辭讓之節繁及介省矣至于衆賓升受坐祭立飲不酢

而降隆殺之義辨矣

疏曰主人既拜其來至又酌酒獻賓賓酢主人主人又酌而自飲以

酬賓介酢主人則止

主人不酢介主人獻衆賓于西階

上受爵坐祭立飲不酢主人而降西階東面是於賓禮

隆衆賓禮殺也方氏曰主酌賓爲獻賓答主主又答賓

爲酬是禮也三賓則備之至於介則省酬焉至於衆賓

則又省酢矣升受坐祭立飲者其升而受爵者惟祭酒

得坐飲酒則立也蓋飲酒所以養老以其卑不敢坐而

當其養故也此工入升歌三終主人獻之笙入三終主

人獻之間歌三終合樂三終工告樂備遂出

句一人揚

解乃立司正焉知其能和樂而不流也

間去聲。工入

四牡皇皇者華。每一篇而一終。三篇終則主人酌以獻

工焉。吹笙者入於堂下。奏南陔白華華黍亦每一篇而

一終。三篇終則主人亦酌以獻之也。問者代也。笙與歌

皆畢則堂上與堂下更代而作。堂上人歌魚麗則堂下

笙由庚爲一終。堂上歌南山有臺則堂下笙由儀爲三終。合樂三終

者謂堂上歌瑟堂下笙磬合奏周南關雎葛覃卷耳召

南鵲巢采芣苢言三終者。二南各三終也。如此皆竟

工以樂備告樂正樂正告于賓而遂出蓋樂正自此不

復升堂矣故云遂出也。一人爲司正恐族酬時有懈惰失

節者以董正之也。如此則雖和樂而不至於流放矣

賓酬主人主人酬介介酬衆賓少長以齒終於沃洗者

焉知其能弟長而無遺矣

前言介之無酬衆賓之無酢者蓋未歌之時也此言賓酬

主人主人酬介介酬衆賓者既歌之後行旅酬之時也
沃洗者滌濯之人也雖至賤旅酬之際猶以齒焉則貴
者可知矣自貴及賤無不序齒降說屨升坐脩爵無數
此所以知其能弟長而無遺也飲酒之節朝不廢朝莫不廢夕賓出主人拜送節文終
遂焉知其能安燕而不亂也說音脫下朝音潮莫音暮此言前者皆立而行禮
未徹射故未說屨至此徹俎之後乃說屨升堂而坐燕
也脩舉也脩爵無數者謂無算爵也君子朝以聽政罷
而後行鄉飲夕以脩令鄉飲禮畢猶可以治私事是朝
不廢朝莫不廢夕也若黨正飲酒一國若狂則無不醉
矣終竟也遂猶中也言飲畢主人猶拜以送賓節文終
申遂而無所缺則知其能于安樂燕飲之時不稍亂也
貴賤明隆殺辨和樂而不流弟長而無遺安燕而不亂
此五行者足以正身安國矣彼國安而天下安故曰吾

觀於鄉而知王道之易易也

總結上文

鄉飲酒之義立賓以象天立主以象地設介僎以象日月立三賓以象三光古之制禮也經之以天地紀之以

日月參之以三光政教之本也

此以下覆說上文之義前文天地共言此析言

之者賓者主之所尊敬故以賓象天主供物以養賓故以主象地前言介僎象陰陽據其氣此云日月言其體也天地日月三光者政教所從出也烹狗於東方祖陽

氣之發於東方也洗之在阼其水在洗東祖天地之左

海也

烹狗以養賓陽氣主養萬物故祖而法之烹于東方焉海水之委也海居于東東則左也故洗之在

其水在洗東有左海之義焉天尊有立酒教民不忘之位南前而北後故以東為左

本也。太古無酒以水行禮後世因謂水爲立酒不忘本也賓必南鄉東方者春春

之爲言蠢也產萬物者聖也南方者夏夏之爲言假也

養之長之假之仁也西方者秋秋之爲言愁也愁之以

時察守義者也北方者冬冬之爲言中也中者藏也是

以天子之立也左聖鄉仁右義備藏也。備音佩愁依注作孽。○蠢者物

生動之貌聖之言生也假大也孽斂縮之貌察猶察察

嚴肅之意孽之以時察言孽飲之以秋時嚴肅之氣也

物之藏必自外而入內故曰中者藏也介必東鄉介賓

主也主人必居東方東方者春春之爲言蠢也產萬物

者也主人者造之產萬物者也月者三日則成魄三月

則成時是以禮有三讓建國必立三卿三賓者政教之

本禮之大參也

注云言禮者陰也大數取法於月也。朱子曰魄者月之有體而無光處也故

書言哉生明旁死魄皆謂月二三日月初生時也言既生魄則謂月十六日月始缺時也今此篇兩言月三日而成魄則是漢儒專門陋學未嘗讀尚書者之言耳疏知其謬而曲徇之故既有月明盡而生魄之說又言月二日三日而生魄何相戾之甚耶此其大義本不足言而疏於例亦當削去今特著之以明述此義者之謬不足深究云

○客爵居左其飲居右介爵酢爵饌爵皆居右

按

飲禮介爵及主人受酢之爵併饌爵皆不明奠置之所故此特補之賓坐南向故以東西分左右云○少儀